



60 1 2 3 4 5 6 7 8 9

10

1

2

3

4

5

6

7

8

9

040-4814

了翁上座請大藏及有
家書置之武州紫雲山
我徵之陪陵之府中求
為學者不敢詩出院內
當山三世鐵牛機謹識



B 64853

王山禪師語錄敘

於戲宗風之盛未有如今日者也欽惟

世祖章皇帝崇信桑門屈已徵訪而江漢之東緇流如
織靡不走名山敦實行無論有種苾芻略筌尋探要
領卽負春職饗之鉢漢咸知側耳傾心欲於言下了
明大義至今匡廬衡霍之間士大夫高蹈林泉者往
往持珠茹素倣東林而證西旨信乎宗風之盛未有
如今日者也雖然五葉相傳流波漸遠虛衷汲引者
未免弘甄拔以導群迷獵志聲華者輒冀越庭階而
窺堂奧極盛而衰日趨於下至欲以鄭五歇後作菩

60 1 2 3 4 5 6 7 8 9

10

11

12

13

14

15

16

17

18

19

提啞謎嗇夫利口詮無遮上乘逞辯言爲機鋒剝陳說爲把柄謬相承襲妄自誇張而謂直指單傳不煩漸臻而躡致也可勝慨哉是以海內之士留心斯道者日引領夫作家宗匠奮大力以挽頽風乃若出世入世因人度人震吼獅音俾群狐辟易則端有望於今之三山禪師矣師乃大慧十六世之嫡嗣於聚雲吹萬大師爲孫慶忠鐵壁大師爲子其源流行實具載諸名流論列中余無容復贅余惟幸聚雲之派得師而益昌大慧之傳得師而不謬也余與師遊者有年而卒莫能窺其涯際今試讀其語錄覺指點棒喝

之下頓使黠者泣慧者駭惘然喪其懷來者如羈旅之人偶聞鄉語而戚戚卽不能遽返故國亦庶幾時切思歸之隱焉師之弘宣法化大唱宗猷不執公案而終不悖公案不廢言詮而究不墮言詮者其本諸積漸而然耶其無所擬議而然耶余於師真莫能窺其涯際也間嘗以臆度之蓋師早年役志於儒六經之旨無所不窮百氏之書無所不讀旁搜博採研精禪思而後洞見本源所謂歷盡群山而始識太岳之高涉盡群川而後知東洋之大故其言之條分縷晰而不離其宗橫見側出而悉軌於正以視今之扣槃

60 1 2 3 4 5 6 7 8 9

10

11

12

13

14

15

16

17

18

19

揣籥而爲優孟衣冠以欺世惑衆者其相去爲何如耶師之語錄且充棟舊雖刻而未全茲請略爲編次以付諸梓而公於世余惟願讀語錄者勿於印板上尋行數墨以語言文字求吾師當思吾師一棒一喝不放空橫說豎說不放鬆是必有本來真面目而在區區語言文字間也十方同志儻能信及余言庶吾師歷年來所以現清淨身吐廣長舌者一片婆心得以昭揭於天下今日宗風之日卽於溢得聚雲之冢孫爲之砥柱狂瀾可以克昌厥後而勿替也特書之以附於簡端

昔

大清康熙戊申上元日南浦養元居士譚詣題於雲
安之靜修齋



60 1 2 3 4 5 6 7 8 9

10

1 2 3 4 5 6 7 8 9

10

1 2 3 4 5 6 7 8 9

10

三山來禪師語錄

目錄

卷一

上堂

卷二

上堂

卷三

小叅 茶話

卷四

示衆 法語

標題

卷五

機緣 勘辯

問答

卷六

佛事

題讚

南浙二師塔銘

卷七

五宗頌

卷八

宗統頌

卷九

頌古着拈

卷十

頌古着拈

卷十一

頌古着拈

卷十二

頌古着拈

卷十三

書問 行實

卷十四

雜偈 石龍吟 念佛歌

60 1 2 3 4 5 6 7 8 9

10

1 2 3 4 5 6 7 8 9

10

1 2 3 4 5 6 7 8 9

10

雜述

卷十五

住浙江嘉興府天寧禪院語錄

卷十七

嗣刻

詩 歌行

卷十八

松嶺開評

卷十九

祝延增補 法華歌拈頌

卷二十

文 引 碑

卷二十一

表

卷二十二

表

卷二十三

正燈集拈頌上

卷二十四

正燈集拈頌中

卷二十五

正燈集拈頌下

卷二十六

五家宗旨纂要上

卷二十七

五家宗旨纂要中

卷二十八

五家宗旨纂要下

目錄

畢

三山來禪師語錄卷一

書記普定編

上堂

順治甲午上九日總戎袁寶善居士請師於忠州崇聖禪院結制上堂拈香云這瓣香乾坤篤鍾海嶽生成爇向爐中奉祝

當今皇帝聖躬萬歲伏願開天闢地大一統而乘六龍邁古超今靖八荒而寧萬國這瓣香秀叶群英芳同衆甫爇向爐中奉爲滿朝文武各郡宰官伏願聲應氣求喜見拔茅而連茹雲龍風虎欣瞻隨類以從王

60 1 2 3 4 5 6 7 8 9

10 1 2 3 4 5 6 7 8 9

這瓣香培於梓里種自桑田爇向爐中奉爲期主袁公遠邇檀度伏願相助相扶鑿井耕田娛歲月興仁興讓含哺鼓腹樂昇平這瓣香小似須彌大如芥子劈非爲兩捏不成團昔在熊耳庵中輕輕舉着熏破巴掌和尚鼻孔今朝信手拈來供養本師上鐵下壁和尚用酬法乳伏願喝下雷霆震醒群生之幻夢棒頭雨露灑開大地之覺華拈畢據座維那白槌云法筵龍象衆當觀第一義師云第一義沒屎屁棒打石人頭碌碌論實事青山頂上草茫茫翠竹籬邊風習習那晉李四張三不問趙甲錢乙耳朵原是兩片皮

一個鼻頭兩孔氣山僧恁麼告報若有伶俐衲僧出來道曾老師莫尿沸一棒打折你驢春僧問爐鞴新開鉗錘初舉何處是聚雲心印師云山前山後溪西溪東進云因甚落在和尚手裡師噓一聲進云卽今普對人天如何施設師便喝僧禮拜師云問來問去帶水拖泥豎指豎拳添釘着楔如或憊懶而散未免幸負今時且聽木上座道個開場偈子卓一卓云羅羅哩哩哩哩嚙嚙嚙哩娑婆訶維那再白槌云諦觀法王法法王法如是師下座

上堂僧纔出師便打僧擬議師打云汝從甚處去來

僧云三日不相見莫作等閑看師復打僧出師打云
還見前僧麼僧便喝師便打僧又喝師又打問人天
聚會凡聖交參挂杖頭邊有何意旨師亦打進云和
尚也不消得師連打僧禮拜師打云山僧棒頭頗毒
打殺一窠一窟一任放去收來個裡了無回互無回
互鴉鳩樹上鳴唱出無生曲谷谷孤

上元上堂天上月正圓人間號月半山僧沒來由且
自閑打算單見拆拆見單坤六斷乾三連大來小往
上地下天下得正月卦乾坤顛倒顛頂顛觸地脚板
朝天非龍非鬼非僊

上堂冬至寒春至暖生漆盤琉璃盞戴雪烏鵲深夜
翔吞煤玉兔天明卵多多拜上李四娘看趙大哥轉
也未轉

上堂喝一喝云雷以動之噓一聲云風以散之卓拄
杖云雨以潤之畫○相云日以暄之此是衲僧機關
因甚註以義經妙義祇緣華野鄧居士具贊化才猷
於茲飯衆祈嗣越例與諸人露個消息還見麼先天
弗違後天奉若彩鳳五色毛祥麟一隻角
上堂松直棘曲鳬短鶴長眉先鬚後舌柔齒剛點頭
三下自肯承當承當個甚麼績麻滿筐

上堂問不問不答作麼分解師便打問十方同聚會
個個學無爲既是無爲用學作麼師亦打問樹倒藤
枯句歸何處師打云一二三四五五四三二一屈指
五個三剛剛十五日不用如何若何何必不必只許
老胡知不許老胡會

祈嗣請上堂天地人物根宗渾淪橐籥乾坤六子奧
窯摩盪生成這裡薦得一切衆生俱爲鼻祖十方諸
佛猶是耳孫不則也須疑着良久云吞日精啖月華
降星斗走龍蛇卓一卓云分明記取

朴素道人持經請開示上堂葛拈香云此是藥能殺

能活燕向鑪中云此是師絕聖絕凡指香煙云此是
琉璃光無背無面合掌云此是如來本願不增不減
朴素道人轉如是經究如是旨恁麼功德還有證盟
也無十二大願隨心足恒沙餘慶自然來

上堂三山不會佛法逢着虛空一捆拄杖眉長丈三
拂子眼橫尺八四四三三七七八八

寶善誕期上堂拈拄杖云無量壽來也將軍身宰官
身居士身身身應現過去世現在世未來世世圓
成作麼生說個圓成底道理陽數九陰數六惟有這
個數不足金龜嚼碎鐵崑崙夜半日輪當午出○具

撰述

三山御用司金文

上

眼者看看問如何是世尊初生句師云翡翠踏翻荷葉雨如何是居士懸弧句師云鷺鷥穿破竹林煙且道居士世尊是同是別師云玉印山磊磊落落曹溪水曲曲灣灣進云恁麼則皇宮現瑞石寶呈祥師云桃花紅李花白冬瓜瓠子撞泥鐘六月炎天下熱雪昔日今朝事若何踏着秤錘硬似鐵

上堂此事如鬧市裡颶石頭着首者便知山僧今日颶下石頭了也還有着首者麼

上堂河水湯湯河流蕩蕩風敲翠竹日照堤楊觸境觀不足明明無回互卓拄杖云莫將黃葉當金錢猫

兒原解捉老鼠

上堂般若居士出師震威一喝士掩耳歸衆師云騎龍頭把虎尾飛天鐵馬三條鬚走地金烏一隻腮會麼會麼復舉龐公云難難十石油麻樹上攤不是苦心人不知龐婆云易易百草頭邊祖師意甚處得這消息來靈照女云也不難也不易饑來喫飯困來睡寐語作麼直今張將軍閹宅熏修遠來供衆道與昔人相去多少連喝三喝

解制日慶忠老人送法衣信拂至上堂眉滿虛空眼滿地遼天鼻孔難迴避舌頭嚼碎大雄峰踞地金毛

成隊隊知麼慶老人心行狠毒耳菴和尚出師便打

師誕期上堂四十年來顛倒顛穿衣喫飯別無言現成公案人不識更道父母未生前寶善問無生一句鬼神不知因甚被諸人覲破師云燈籠頭觸地進云覲後如何師云露柱尾朝天善禮拜師云九八六十七蝦蟆閒象鼻六九七十三烏龜上樹顛惟有向上難委悉一二三四五六七八九十生數成數不相干衲僧切忌知端的卓一卓云習

順治乙未師受請住夔州府梁山縣興龍禪院結制

上堂拈香畢維那白槌師擲下拄杖云莫言不道便下座

楊副戎請上堂相逢一笑乃是作家列陣排兵未爲好手與興龍作麼相見僧間單刀直入時如何師云險僧便喝師亦喝僧又喝師云苦哉佛駄耶僧作禮師云草賊大敗問和尚慣向異類中行成得甚麼邊事師云今日不與交鋒進云剖腹剜心卽不無如何得完本體去師云汝班師回朝僧歸位師云知彼知此百戰百勝九天九淵計出非常有時減龜添兵有時減兵添龜但能逢強卽弱自是遇柔則剛塞北江

南一任橫嘶鐵馬邊關險隘何妨倒豎金矛正恁麼
時作麼生是折轉旗鎗一句呵呵大笑下座
上堂喝一喝云若道是早已不是若道不是卽此便是衲僧不用巧思量大用明明無廻避復喝一喝
上堂牛種田馬喫穀雪峰輒毬道吾舞笏雞上樹鴨
下水長沙大蟲楊岐驢子石葦熟處最難忘張弓架
箭射當陽真誠不作小兒戲八十翁翁入試場以拂
子作揮毫勢

上堂師作吟哦聲僧出師低首僧云蒼天蒼天師云
不是知音不與彈

上堂問如何是法身師倒卓拄杖如何是報身師豎
起拄杖如何是化身師云拄杖子無端惡發觸着釋
迦老子鼻孔忍禁不過倒騎虛空顛走走入山僧方
丈裡依然平帖帖地何故百年三萬六千日面目本
來是娘生

上堂正因老比丘住在猫兒石昨宵傳信來今向東
山去恁麼去也戴角披毛恁麼住也藏踪歛跡總不

恁麼時如何道道

上堂山是山水是水別有甚事驢頭馬嘴水非水山非山恁麼薦得北斗南看良久撫掌三下上堂拈拄杖云玄要主賓絕異同縱橫殺活不通風擊禪床云關捩敲翻無個事青天白日聽雷轟震威一喝

上堂祖師心印狀似鐵牛之機去卽印住住卽印破不去不住合作麼生僧出禮拜了退師云本自無瘡勿傷之也

祈福淨信請上堂南無佛駛耶不向佛求南無達磨

耶不向法求南無僧伽耶不向僧求直此三轉語已爲諸淨信修因植福了也座元出連喝三喝師吐舌元禮拜師下座

臘八說戒上堂落落疎疎午夜星無端照徹釋迦文雖然直在面門上爭奈眼中又着釘衆中若有爲伊拔得底則啓不關口動不關意觸不關身何犯何持又復何戒設或未然須向自家屋裡仔細檢點遂說戒

上堂上大人丘乙巳圓是規方是矩看將來無彼此麥裡麵今穀裡米止止佳作人也可知禮

60 1 2 3 4 5 6 7 8 9

10

11

12

13

14

15

16

17

18

19

20

上堂三世諸佛不知有狸奴白牯却知有三世諸佛爲甚不知有不見道他是三世諸佛狸奴白牯爲甚却知有不見道他是狸奴白牯恁麼會又爭得僧出師云道道僧云某甲亦道亦不道師云因甚亦道亦不道僧云和尚莫忘了話頭師云諾

元旦上堂昨日雨今日晴一般西來意覩境自分明雖然如是第恐境觸心生心因境轉心境相緣因緣而礙汝等須悟境亦如幻心亦如幻幻亦如幻亦幻諸法何存所以道心生種種法生心滅種種法滅生滅俱泯心法雙忘作麼生道但聽康衢歌擊壤

不聞杞國更憂天

解制上堂屈指凡來九十期塵埃滿面額沾泥鬚兒不覺儂家醜自惜區區手撥眉山僧今日知過必改

諸人分中又作麼生

順治丁酉姚聖瑞總戎率將士等同布金檀越請師住梁山縣五雲禪院

土地祠烏道羊腸一徑通高高山頂露儀容相逢覩

而不相識問訊云元來元來

三門闕謂之乾闔謂之坤地天門戶內不放出外不放入佛祖機關且道向上一步聾

60 1 2 3 4 5 6 7 8 9

10

80

1

2

3

4

5

6

7

8

9

標述

佛殿顧視云但恁麼不是不是畢竟如何乃展具作禮

方丈覆天載地容納虛空四方八面處處玲瓏一條無情棒操縱活如龍卓一卓

結制上堂拈香云

君恩也臨我親恩也生我檀信恩也護持我總此一瓣同伸報答次拈云得人一馬還人一牛人平不語水平不流自遭慶忠本師毒害不由滿口含冤今從那沒奈何處三番拈出用酬法乳上首白槌師云古人陞座說法都要開陳舖面山僧說法陞座不免舖面

開陳堅拄杖云還有識貨者麼僧出師云交錢是買主僧擬問師云合價是閑人又僧出師云住住宗中辯的句裡呈機具眼阿師纔聞舉着便掉臂而去不然也是鞏縣茶瓶

布金施主請上堂前屬利後屬元仲冬節氣十分嚴寒爲憐苦海人難渡乘時駕個般若船以拄杖作撐舟勢云渡來渡來僧出云放下着師云順水推船則易進云如何是末後句師云逆風把杖則難僧禮拜師云一半水一半山別行一路自古皆然昔日世尊與衆行次以手指地云此處宜建一梵刹帝釋拈一

楓邊遺

三山藏印

莖草挿於地云建梵刹已竟卽今陶太宇叔侄捨宅爲寺不須汝等重新修建且道山僧還有指地分也無向後師作弟隨也須記着

上堂祖師西來意滿眼滿耳是擬議思量扶籬摸壁不然不然如是如是

上堂山僧夜睡一夢正欲舉似諸人第恐無人原得僧出師云今日上弦僧云恭賀和尚上堂師云汝不解原一僧畫○此相師畫○此相僧云謝師答話師云汝不解原僧拂袖歸衆師算拄杖作船聲
上堂一是二是二三五十五九九八十一剖腹

剗心說向人又道藝語匪端的誰端的一丈凡來有十尺

冬至上堂畫一畫云七日來也復其見天地之心乎天何心百昌榮地何心萬物生唯有衲僧無思算地逢雷處是令辰飲亥酒茹太羹倒翻月窟獨露天根正恁麼時如何慶祝一線初添增錦繡聖明何處不當陽

上堂東村梅西村柳節候從中要知有泥牛木馬滿天飛草木叢林獅子吼眉分八字鼻遼天牙齒原來只在口

60 1 2 3 4 5 6 7 8 9

70

佛成道上堂圓陀陀非歎非餘光灼灼無遮無障世尊昔日覩星悟道嘆曰一切衆生具有如來智慧德相皆因妄想執着而不證得山僧看這迦文古錐無端寐語覺得有些不平見亦不着覩個甚麼原不曾迷悟個甚麼本自平常嘆個甚麼奇哉以何爲智慧德相以何爲執着妄想以何爲衆生如來雖然如是還知老瞿曇落處麼○

上堂朔風微雨凍山寒林木蕭蕭眼倦看爲報梅花驚歲早枝頭幾點露天班豎拄杖云春色向山僧手中來也先天事後天事渾淪個裡難分析明明拈出

任君看面目本來只這是僧禮拜師云錯下註脚
元旦上堂大哉乾元萬物資始一團和氣誰堪比擬
東君意若何呵呵笑不止有甚奇特消息聾三陽運
轉乾坤泰六合春同草木新

解制上堂衲僧全沒勾當九旬恰好算帳肩毛廝結
東倒西歪疊膝跏趺裝模打樣囫圠眼生頂門口
吧吧舌掛壁上而今解却枷繩一任隨緣放曠雖然
如是也不得離俺這裡問作麼生是隨緣放曠師云
春遊芳草地進云此後如何師云夏賞綠荷池進云
恁麼則往而不返也師良久進云始信個中無解結

60 1 2 3 4 5 6 7 8 9

70

80

1 2 3 4 5 6 7 8 9

戶外庭前總道場師云喏喏問開口成雙歛如何是
聲前一句師云不向汝道進云祇道龜毛紅似漆誰
知鬼角黑如銀師云汝從那裡記得來問三月期制
今已解對衆一句作麼生師云山前有土那非地進
云大法意旨如何師云嶺外無雲別是天
結制上堂極目霽花片片飛紅爐有火正投機因時
及節歸何處一點銷鎔知是誰顧視左右

上堂彈指一下云佛法祇是尋常若作奇特商量錯
過了也僧出師下座

師誕期上堂小陽月念四期山僧母難無可話題但

舉則古人機緣拈頌幾句供養大眾貴圖報我雙親
昔人謂世尊未離兜率已降王宮未出母胎度人已
畢恁麼道還是麼聽取一頌玉質冰姿嶺上梅孤根
暖蒂望春回誰知含笑三冬裡不待東風花自開大
衆也須委悉此事始得何以故盈天地之間者皆物
也飛潛蠕動姑置不論但就本乎地者而言之你看
那千巖萬壑木樹草花爲天爲喬總受釣陶於造化
一般生意覆載爲功迄乎元運既往通復將來金風
吼震於長天白帝乘權於西極嚴威正凜肅殺方張
正恁麼時長林極目以蕭條木葉隨風而飄墮撫時

者未免覩物而有造物不仁之譏師隨拈拂子點數點云獨這個侶松友竹鬪雪披霜點綴北陸風光漏泄東皇消息不惜寒侵徹骨先傳春信到枝頓使道上行人閑中個士欣瞻顏色快覩芳姿驚且嘆曰天心見矣向之所謂造物不仁者非至論也我釋迦如來乘慈悲願力具相好莊嚴示現群生梯航苦海來此娑婆界中一番遊戲皇宮降誕雪嶺修行觀明星證道果超度宗親提攜庶類降伏外道摧折天魔大孝能仁於今爲烈真所謂亭亭老榦迥焉秀出群英鬱鬱清香卓爾芳騰衆甫乃有不識好惡底猶欲

一棒打殺忒放癡憨底更道吾不喜聞嗚乎家肥生孝子國伯有謀臣但具公心咸應讚嘆伊固何心而忍毒至此此無他知恩報恩故爾山僧恁麼告報道是掲揚先德道是埋沒古人具眼底揀辨看如上閑言剩語都與佛法不相干涉豈不虛消信食枉度時光畢竟如何折合良久云情因比類情無限話到投機話更長以拂子擊禪床一下

上堂天是天地是地東家垣牆西家籬壁有個機關
麼家有犢牛兒價值十二兩

上堂天是天地是地東家垣牆西家籬壁有個機關
麼家有犢牛兒價值十二兩

60 1 2 3 4 5 6 7 8 9

70

80

1 2 3 4 5 6 7 8 9

撰述

杳無消息旣道有個機關因甚杳無消息昨宵野馬來被逐雲飛去

上堂舉汾陽驗人有三種獅子句後浮山遠舉示衆云獅子句有三種一趙宗異目二齊眉共躅三影響音聞若趙宗異目見過於師方堪傳受若齊眉共躅智與師齊減師半德若影響音聞野干倚勢異類何分五雲今日權借他人探竿向獅子窟中輕輕撥動莫有覲面相呈者麼座元出喝一喝師云影響音聞元復喝師云齊眉共躅元又喝師云趙宗異目元云兩堂雲水又作麼生師合掌云我不敢輕於汝等元

顧視左右師下座

佛成道上堂一二三四五金木水火土佛立山上起雲白兔亭前下雨南隣北舍擊鼓敲鑼西市東街敲鑼擊鼓跳底跳舞底舞一齊報道臘月八夜半明星釋迦得覲覲底事作麼生展手下座四十八大士面面相對上堂甚麼物與麼來不從人借匪自天排孤迥迥全無依仗赤條條絕沒塵埃休擬議莫疑猜夜來拄杖子將東村張三當胸一拄累及西村李四痛忍難捱五雲院裡有齋

上堂有句無句隔山出氣樹倒藤枯黃瓜落地中後

擬述

三山禪語錄卷一

十五

二語不曾叅會得底出來道看

上堂一不成單二不雙六門緊閉沒收藏有時鬧市
街頭過三歲孩兒喚作娘頭短小尾粗長旣無背面
又絕肝腸若人識得打他無妨罵他無妨
入隊上堂山僧昨過萬松山見惺世道人菴梨偈云
萬松菴裡一株梨滋味平常甘且奇四方八面無遮
障獨立乾坤不用枝五雲且與批判一上萬松菴裡
一株梨如何是樹倒藤枯一句滋味平常甘且奇
却不如吐却四方八面無遮障風吹不入雨打不着
獨立乾坤不用枝却也遮天蓋地卽今和盤托出且

道如何下口

解制上堂一上一二上二三下五除一五起五還一
從頭算將來看看九十日解開布袋頭橫行順行東
去西去還記得麼喫

三山來禪師語錄卷一

支那

三山禪師語錄卷一

十六

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

三山來禪師語錄卷二

書記普定編

上堂

順治庚子下元日梁山縣令舜聘曾居士並四衆等
請師於五雲本院結制上堂十月臨小陽春朔風入
寒氣生閑來遊戲遇着個人無背無面無疎無親莫
不是舜聘居士過我五雲莫不是南昌故郡共帝曾
僧恁麼則與諸人相見了也其或未然不得放過
上堂釋迦文驅牛入市彌勒佛策馬歸山一個土面
灰頭一個青眉白眼都到五雲門下聽拄杖子分斷

60 1 2 3 4 5 6 7 8 9

10

80

1

1 2 3 4 5 6 7 8 9

卓一卓云誰家別館池塘裡一隊鴛鴦畫不成
上堂僧問如何是不覩不聞句師良久云好大哥會
也麼不用摩挲

千夫首座寫師真請讚上堂問覩面分明時如何師
云有水皆含月無山不帶雲進云有無不着又作麼
生師云金輪翔八極鐵鋸舞三台僧禮拜師云山僧
這個面目日日對着諸人爭奈夫上座一眼覩破描
畫將來却請山僧題讚十年不可瞞一筆圖將出皮
肉骨髓渾全直得橫身交付拄杖頭邊放光明從此
一燈百千燈南北東西任爾分布照燭咄

上堂問法鼓聲傳大衆齊集和尚拈示個甚麼師云
疎林處處飛黃葉絕澗時時響碧泉進云崑崙咬破
蟬蟬唇牛頭夜叉痛不徹是何意旨師云細雨濕衣
看不見閑花落地聽無聲僧禮拜師云小出大遇
臘八上堂天在上上更有天說甚明星半夜地在下
下更有地說甚雪山六年人在中中更有人說甚釋
迦證果檢點將來也是一人傳虛萬人傳實恁麼不
得不恁麼不得恁麼不恁麼總不得畢竟如何咦
上堂好承當不承當白拈賊孟八郎朱秦尤許何呂
施張風流體段阿誰識贏得梅花噴鼻香

上堂噓一聲云五雲今日早是不堪也莫有放過底
麼靠拄杖下座

無相比丘應親請上堂問既是無相誰爲父母師豎
起拂子進去卽今如何膺悼師以拂子左右拂云不
居淨土不處穢邦無生國裡去住尋常相逢不相識
覲面露堂堂擲下云應當禮拜
修齋淨信請上堂豎拄杖云釋迦老子爲汝等證盟
來也卓一卓云生卽度生死卽度死生死度盡罪福
皆空且道憑個甚麼畫○相云請看石上藤蘿月已
映洲前蘆荻花

解制囑佛幻上座上堂世尊拈花迦葉受渠瞞過達
磨面壁神光被伊賺來山僧一無所爲不覺將佛上
座養成個白拈賊而今露出贓私未免據欵結案聽
吾偈數卷呈來一字無舌頭如劍眼如珠葛藤判盡
無餘事好駕輕舠泛五湖

康熙乙巳六月十一日向化侯府養元譚公請師住
夔州府雲陽縣磐石山晏華禪院

三門以拄杖敲門限云還見麼諸人到此直須得箇
入處設或不然都隨山僧脚根點地進來
佛殿搏大地爲寶座統虛空作法身恁麼也得以法

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

身還虛空將寶座歸大地不恁麼也得恁麼不恁麼
概與一磬坐斷大眾雖是家無二主這三禮着在甚
麼處

方丈卓拄杖云據此室行此令魔外潛形佛祖乞命
縱有伶俐衲僧還須喫此一頓
法座拈請啓云若道有文字字着伊不得若道無文
行行自爾分眞卽今賓主混融人天交接如何舉唱
維那讀畢師云諾諾拄杖子無端築着磕着擊座一
下遂陞

上堂拈香云此瓣香光超日月瑞靄河山端祝

當今皇帝聖躬萬歲萬歲伏願乃聖乃神帝德皇風
稱有道十年卜世金枝玉葉衍無疆此瓣香用同舟
楫味過鹽梅奉爲滿朝文武閩國公卿當路宰官現
前紳士伏願無二乃心武緯文經襄聖化咸有一德
民安物阜贊鴻猷此瓣香多生種植累世栽培奉爲
布金檀越向化侯府暨公子公孫閩營鎮將伏願名
位增榮千秋壯業圖麟影箕裘克紹百代英華起鳳
毛此瓣香無形無相難狀難名昔在青山頂上聖佛
堂前埋下根株十數年來煙辛氣辣不覺熏動侯門
因此向磐石山頭曇華寺裡重新舉着供養現住寶

60 1 2 3 4 5 6 7 8 9

70

80

90

聖禪院本師上鐵下壁慶忠大和尚用酬法乳維那
白槌僧問帝釋挿草世尊微笑爵臺建刹和尚何如
師云山僧笑伊有分進云和尚世尊卽不問且道爵
臺帝釋是一是二師云仰面看南斗翻身倚北辰進
云恁麼則截瓊枝寸寸是玉折旃檀片片皆香師云
恁麼那恁麼那僧出師約住云莫莽鹵休錯過夏雲
奇似峰夏日蒸於火逼得舜若多神呵呵拍掌報道
無邊香水海百萬億須彌等華藏於微塵擁微塵爲
華藏重重變現現出種種樓臺種種殿閣種種軒櫺
寶網種種水石園池種種奇花異草種種明窓淨几
輝煌掩映馥郁馨香莊成一個曇華梵刹汝等諸人
還知來歷處麼原來是向化侯府與令子總戎公捨
宅爲寺迎請山僧住持開鑿人天眼目闡揚佛祖微
猷此種功德以何證據卓拄杖云木上座點頭了也
爲云壽如山福如海子孫如林簪纓靄靄然此猶是
福祐邊事如何是佛法說話以拄杖一畫云還見麼
若也見得便見作大因緣作大供養作大布施作大
道場作大佛事都從這一畫引蔓牽枝所以道識得
一萬事畢卽今拄杖子口喃喃乃向頂額頭端爲伊
出氣雖然如是切忌妄通消息喝一喝

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

附請啓

伏以教衍鳴鐘仰止高峰登鷲嶺慈鴻卓錫飛來
石壘布金沙望德範以騰懽稟儀型而起敬一萃
初構萬礪垂新恭惟三山大和尙慧額天成慈悲
性篤自文壇豎幟胸藏玉振金聲向法苑持衡手
接銅頭鐵額闡揚宗旨皎然日月之中天嗣續源
流展矣乾坤之奕世豎津梁而沉淪悉起德沛三
車廣爐轉而躍冶潛消脩齊六度紅蓮馥郁於大
夏玉露涵濡於新秋入天效靈聖凡在宥詰才同
拆襪智類挈瓶虔滌丹心景仰叢林山斗領承碧

眼阪依猊座準繩念茲磐石建勲庸二十年來幸
苞桑之永固植此曇華開錦繡三千界內期祇樹
以長輝特布恩忱敬修鄙愫伏願宗風大展法雨
頻施梵鐸時鏘闡外貌貅資化育寶幢日麗堂中
龍象肅威儀二諦咸瞻三生攸賴詣無任踴躍之
至謹啓

康熙乙巳十月十五日向化侯府率諸鎮將請師於
曇華本院

結制上堂顧法座云坐斷毘盧頂不拜釋迦文猶未
是衲僧巴鼻畢竟如何震威一喝陞座拈香云聖王

60 1 2 3 4 5 6 7 8 9

70

80

90

9

撰述

御極宇宙昇平達士通人共慶雲龍風虎山夫野叟
難逃踐土食毛山僧雖屬方衣臣子之分凜然難越
將此一辨奉祝

當

今皇帝聖躬萬歲欠拈云日月無私封疆有界無私
底到處照臨有界底隨方安住山僧今在磐石山中
作個偷安的懶漢非仗庇宥那討清閑將此一辨用
酬護法次拈云一人倡衆人和好善攸同前者行後
者效傾誠不二今則養元侯府合營檀越於此百二
期中興齊辦供將此一辨用酬盛心次拈云以心傳
心猶成剩語以德報德總屬狂談耐山僧不識好

惡一向在曲彖牀頭觸忤本師慶忠大和尚不知過
犯何從今則五番拈出將此一辨用酬法乳維那白
梶師云拋沙撒土濟得甚麼邊事僧出師云朔風寒
徹骨雪火正投機

上堂僧出師云鵠子過新羅僧歸衆師云放開一線
道不容挨拶把定繩索頭一任縱橫到這裡擬議思
量墮坑落塹且道古佛與露柱相交是第幾機
上堂問正恁麼時和尚如何指示師云汝飽齋也未
僧作舞師云冬至日一陽生因齋慶讚及節叮嚀叮
嚀個甚麼汝自會得好

60 1 2 3 4 5 6 7 8 9

70

80

1

2

3

4

5

6

7

8

9

上堂今朝恰是臘月一雨打風飄赤骨歷嶺上梅花
笑破顏就中幾個知端的舉五祖演歌云豆子山打
瓦鼓陽平山下白雨白雨下接龍女織得絹二丈五
一半屬羅江一半屬玄武維時泰首座豁然大悟乃
云直須唱到這裡山僧亦廢一韻磬石山打瓦鼓鐵
鳳山下白雨白雨下接龍女織得絹二丈五一半屬
雲安一半屬南浦座下若無截斷山僧調底還與全
全唱出南浦江頭木馬嘶雲安市上金牛舞瀟瀟灑
灑度時光截破虛空倩誰補衆中莫有補得底麼山
僧與你洗腳有分

向化侯府至上堂問天命之謂性如何是性師云這
一問從甚處來進云率性之謂道如何是道師云只
須向脚跟下薦取進云修道之謂教如何是教師云
莫將黃葉當作金錢進云不覩不聞處請師道一句
師云不道不道進云因甚不道師云道卽不辭恐落
覩聞邊去進云莫見莫顯又作麼生師豎拂子云還
見這個麼進云這個且置侯府大檀來也和尚如何
接待師喝一喝進云上上提持卽不無還期曲垂方
便師云若論方便已是方便了也更待山僧舉段機
緣昔日明良將軍與六祖同參六祖得法之後三更

60 1 2 3 4 5 6 7 8 9

70

80

1

2

3

4

5

6

7

8

9

撰述

夜遯明趕至大庾嶺祖見明來以衣鉢置石上潛身樹間明至取衣鉢不動白云行者某非爲衣鉢而來乃爲佛法而來祖云衣以表信豈可力爭耶旣爲佛法而來不思善不思惡正恁麼時那個是明上座本來面目明於言下豁然大悟今日爵臺若爲衣鉢而來爵臺本分具足若爲佛法而來不須山僧重舉畢竟如何以酬來意畫○相云荆山有玉君須剖莫負殷勤抱璞人一僧出云恁麼道是甚麼心行師云路逢劍客須呈劍不是詩人不獻詩進云何似深藏一片舌莫教辜負兩莖眉師云低聲低聲問在昔功甫

入山白雲道個枕上頌子卽今侯府入山和尚道個嶺頭大意一前一後是別是同師云囉囉哩哩哩囉問二聖因甚逢人卽出出則不爲人師云只爲婆心重翻同陌路人進云興化因甚逢人卽不出出則便爲人師云誰知鐵石心傾作和腸淚進云今日底事和尚是出是不出師云不妨疑着進云道是爲人不爲人師云謾得過阿誰問長者布金譚公捨宅條例如何師云朝三暮四朝四暮三進云不二門着脚卽不問如何是向上路恰好抽身師云閻黎禮拜了退問但有言說都無實義哆哆和和作甚麼師云官不

60 1 2 3 4 5 6 7 8 9

70

80

1 2 3 4 5 6 7 8 9

撰述

容鍼私通車馬進云恁麼則輸藥山一籌也師云蒼天蒼天問古人爲甚張弓架箭師云一朝權到手看取令來行僧拂袖歸衆師云金鱗燒尾龍門去收取絲綸別下鉤

上堂問如何是親切句師云師姑本是女人作如何是轉身句師云纔過忠州又上涪州如何是異類句師云牛頭沒馬頭回三腳驢子走如飛如何是末後句師云聾聾學詩乎學禮乎無以言無以立尼父恁麼來伯魚恁麼去父子不傳真秘密十五日以前記得分明十五日以後分明難記正當十五日如何

今日馮鎮臺有齋

元旦上堂夜來枕子邊悟出個消息恰好舉似諸人乃云正月初一日畢竟是新年若也信得便知刻積爲時時積爲日日積爲月月積爲年年二月是清明明明百草頭頭祖師意意旨如何啐原來是昨夜理不盡底麻頭今日從新接起遂以手作績麻勢云莫言瑞雪輕飄下縱是天寒也着工伏惟珍重上元上堂豎拂子云眼裡着不得沙擊禪床云耳裡着不得水喝一喝云及盡去也向此承當得來一任山河大地草木叢林刹刹塵塵有色可見底都不喚

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

90

作沙一任高低語言山鳴谷應猿嘯鳥啼有聲可聞
底都不喚作水所以道卽此見聞非見聞無餘聲色
可呈君個中若了全無事體用何妨分不分今日上
元佳節處處燈光色映在在鑼鼓聲喧傀儡場頭張
郎李漢短調長歌擾擾紛紛鬧炒炒幾人不被換
却眼珠填滿耳竅爭似盤石山中所見者萬疊青山
所聞者一溪流水紛華之色不入於目喧譁之聲不
入於耳若是得此受用於那如如本體何曾動着分
毫是以清淨法身返觀觀心返聞聞性無垢無淨不
減不增何以故本無汙染故何以故一性圓明故到

了恁麼田地更須明得向上一竅饑時喫飯困時打
眠寒則添衣熱則退襖隨緣放曠任運逍遙然又不
可話作兩段未有得證法身不明向上事者未有明
得向上不能得證法身者故知法身向上原無兩樣
夜來遊過八萬四千門醒起依舊天晃亮佛卽心心
卽佛非心非佛亦非物咄咄盤沱市上豆價米價
又作麼生

上堂山僧拄杖頭邊有一句子佛法卓一卓云此處
無金十兩

上堂三不三四不四不在天不在地南來北往東去

西去呼之無名覓之無跡大衆你看是個甚麼
解制上堂舉雲門云乾坤之內宇宙之間中有一寶
秘在形山拈燈籠向佛殿裡將三門來燈籠上疊華
不然五官之內四大之間中有一寶自在天然將衆
生來眉毛上把諸佛置腳跟底僧出師云風吹柳絮
條條綠雨綻桃花點點紅

康熙丙午十月念四日護法宰官袁寶善居士率信
善江應爵談試傳鳴玉衆姓等請師結制於忠州高
峰山開禧禪院

三門信步行來八字打開踏着機關作麼生道

佛殿乾屎橛麻三斤雲門欲打殺趙州不喜聞高峰
大半順人情展具作禮

方丈金剛圈栗棘蓬拋向一邊返魂香塗毒鼓無安
置處但看沒量大人就中神出鬼沒靠拄杖據坐
上堂至座前喝一喝云到這裡瞞得過阿誰復喝一
喝遂陞拈香畢上首白槌師云向上一路千聖不傳
向上一路千聖不然不傳不然何須山僧更爲饒舌
祇因高峰梵刹乃山僧破荒闢草而成今則笑監院
不忘辛苦同諸檀信請山僧開建禪期表揚功德所
以道事無一向是法住法位世間相常住世間相且

置如何是法位邊事下文繁長別聽分解
塑釋迦並師真成上堂這瞿曇老漢原是山僧裝模打樣底影子以何爲驗遂召云世尊代應云諾喚作高峰亦得復召云高峰自應云諾喚作世尊亦得今日一並托出合作麼生有意氣時添意氣不風流處也風流

上堂山僧剛纔陞座舌頭牙齒相磕擬道如何若何又怕千錯萬錯拍膝一下

上堂實際理地不受一座今時門頭不捨一法今時門頭卽置昔僧問鹿門如何是實際理地門云南贍

部洲北鬱單越僧云恁麼則事同一家門云隔須彌在若有人問高峰如何是實際理地但向道高峰頂上開禧寺若云恁麼則天地懸殊但向道當面蹉過與鹿門是同是別若道別兩畔蘆花兩畔雪若道同一溪楊柳一溪風也不同也不別梅花枝上三更月三更月色影濛濛不辨西不辨東到此則光境俱亡復是何物良久云龍蛇易辨衲子難瞞

上堂朔風嚴黃雲蓋六花片片滿空界不到一番徹骨寒那識隨緣觀自在還知自在處麼佛法不是鮮魚

上堂今朝臘月一寒氣將人逼雪落滿林花霜凝遍
地玉兩堂雲水僧個個赤骨歷親切轉身異類行更
有末後那一句笑監院出師云速道速道笑云季冬
嚴寒切忌口快師云恁麼會又爭得

臘八說戒上堂今日如來成道之期夜覩明星眼波
波地三嘆奇哉口漉漉地惹得後代兒孫因時及節
引蔓牽藤向佛駄耶達磨耶僧伽耶一皈依二皈依
三皈依永離惡道不墮三塗平帖帖地又說甚麼沙
彌戒比丘戒菩薩大戒把那五條七條九條二十五
條無相福田衣左披右搭束身束心戰慄慄地且道

灑脫脫地一句又作麼生袈裟底下無餘事會得分
明總不妨

上堂一度聞雷一度驚象牙漸漸俱成紋不因聲自
耳門入那得花從口角生喝一喝

上堂僧出師云俊哉俊哉僧便喝師云放過一着僧
歸位師乃云萬法無法因心而生一心無心緣法而
顯心卽法法卽心木馬嘶風花雨落心非心法非法
泥牛吸浪海雲浮正恁麼時諸天快樂地府逍遙畢
竟承誰恩力祇爲信善傳鳴玉辨一片心植福修因
超度宗親提攜孤由請山僧說法證盟心卽不無如

何是法上是天下是地四方八面無回避一設靈光
就裡生是則名爲真實具有漏笊籬不可量無漏木
杓難思議難思議一二三四五

上堂行便行坐便坐笑便笑說便說西來大意却如
何纔涉思惟當面蹉過過在甚麼處

解制上堂舉龐居士偈着云十方同聚會蟻從瘞處
集個個學無爲欲閑不得閑此是選佛場賺殺許多
癡男女心空及第歸不是墮坑便是落塹高峰龍象
成群水雲驟集同鍋共飴抵場連牀喚作聚會得麼
上單打坐下單經行茶來喫茶飯來喫飯喚作無爲
五更風拈拄杖卓一卓

康熙戊申九月念四日治平禪院遷化慶忠老和尚
上堂喝一喝云此是先師三十年來把釣持竿一句
喝一喝云此是先師六十六後收綸轉棹一句且承
先啓後一句又作麼生良久云悟水曲如帶翠山列
似屏時時聚雲雨在在雙徑雲法雲密布法雨漓淋
咗咗咗咗咗咗丘乙已上大人蓮社永開佐治平復喝
一喝

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

向化侯府啓建報恩勝會請上堂師拈香在手云見
麼此是譚公爵臺仰酬覆載一片精誠又拈云見麼此
是譚公爵臺追薦宗親一段孝思復拈云見麼此
是譚公爵臺利濟幽魂一張公案至於雪罪消愆迎
祥植福總向香煙堆裡結就功勲大眾直須具眼問
人天交感凡聖同參向上關頭卽不問超度往生却
如何師云阿耨隨心開齒昔進云福利侯門又作麼
生師云名門餘慶廕兒孫進云恁麼則喜聽南山歌
十有懽聞天保咏九如師云應合恁麼道僧禮拜師
云若論第一義大悲千手拈他不起辯舌懸河宣他

不出今日人天衆前却又如何舉唱豎拄杖云山僧
拈出了也無論若存若亡有眼底應當共見卓柱杖
云山僧宣出了也無論若存若亡有耳底應當共聞
若也見得親切山河大地盡現法身若也聞得分明
草木叢林普揚妙義何恩不酬何親不度何冤不解
何福不增更有甚麼地獄天堂西天東土所以道是
法非思量擬議之所能及還知麼但看桺上黃金鎖
好對峰尖碧玉壺喝一喝

三山來禪師語錄卷二

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

四川向化侯養元譚公諱詣捐俸刻

三山來禪師語錄卷三

書記普定編

小參

小參先德有言赤肉團上壁立千仞山僧則道赤肉團上一塵不着既是一塵不着更有何禪可參喎莫道無事好

小參凡做工夫如挽舟上灘一把緊一把不由他放手不得又如久客還鄉一步趕一步不由他歇足不得惟歇不得足放不得手自有個到家底日子渡險底機關雖然如是渡得險來靜浪平江又恐真常流

60 1 2 3 4 5 6 7 8 9

70

80

1 2 3 4 5 6 7 8 9

一 摘述

注到得家後清閑自在更怕久居長安所以有親切轉身異類末後一境有一境之受用一處有一處之參差直待歷盡艱難方能隨緣任運活潑不動分毫寂靈靈無些遮障去來不着生滅何存十方諸佛從鼻孔裡裂破面門六道衆生向脚跟下倒翻筋斗因甚恁麼奇特八十翁翁輶繡毬水牯天然即是牛三歲孩兒弄花鼓大蟲原來是老虎長三丈濶八尺僧金吒波羅蜜聾聾山僧拄杖無端今宵愛打瞌睡

小參若論本分一着穿衣喫飯待客迎賓無處不是

現成公案汝等能於現成處直下承當千足萬足必待揚眉瞬目鼓舌搖唇蹉過了也山僧因齊慶讚直得隨處葛藤日前驗一僧禮拜底是誰答云眼拙祇這拙之一字具甚深妙義三世諸佛從拙處放大光明歷代祖師從拙處扭轉鼻孔天下知識從拙處興慈運悲山僧從拙處和泥合水現前宰官居士從拙處看破世情看得破自是富貴功名牢籠他不得看破自是田園廬舍賺惑他不得看得破自是恩愛妻孥羈縻他不得看得破自是是非煩惱擾亂他不得到這一切不得處穿衣喫飯任運騰騰待客迎賓

60 1 2 3 4 5 6 7 8 9

70

80

9

撰述

騰騰任運不費纖毫氣力不假半點意思自性天真渾然一個本來面目真俗無二巧拙不分現成公案孰過於此就中還有一句未出方丈分明記得適纔哭了禪悅居士一頓飽齋忘却了也大眾各自歸堂勿勞久立

小參舉米胡令僧問仰山今時人還假悟否山云悟卽不無爭奈落第二頭何師拈云是則是春風不到碧岫生光玉鏡纔圓寒潭弄影所以靈雲見花洞山過水直饒心地開通終是命根未斷冥冥漠漠何須威音那畔承當落落疎疎不向今時門中拈弄若也

會得烏鵲啼夜月玉馬壓霜天其或未然參要真參悟要實悟打破疑團無拘無束撞木鐘擊石鼓半夜入梨園誰聞復誰覩泥龍露柱可憐生現出心肝脾臟腑擊禪牀云甜瓜徹蒂甜苦瓠連根苦小參考功一法如明鏡當臺胡來現胡漢來現漢妍媸好醜洞鑿鬚眉若是真正參學人單單提起本參話頭祇管疑憤將去功夫自有相應日子如一向郊外打野裡胡思亂想未問以前預計那一句可以祇對旣問以後妄臆那一語似蒙印許正當問時手忙腳亂目曠耳聾縱然鬪奏幾句閑花野草都是抓沙

60 1 2 3 4 5 6 7 8 9

70

8 9

標述

三山藏書錄卷之三

三

抵水濟得甚麼邊事不知早被宗師看破如何躲避
閻家老子不見古人道休去歇去一念萬年去寒灰
枯木去古廟香爐去一條白練去恁麼時節乃得本
體乾淨內外一如舉起自知落處故汝等諸人直須
放下塵緣俗境拌着身心性命將無始以來習氣俱
向社火場中盡情銷鑠極力磨礲磨來磨去忽爾爆
地一聲把那八識鏡子磨得粉花碎不惟習氣銷鎔
亦且靈光燦爛任是佛來祖來也瞞預你不得更要
千錘百鍊鍊成一塊純銅打出一柄殺人刀活人劍
隨時運用到處施爲好不受用自在還委悉麼以兩

手摩胸

小參長三短五七縱八橫頭正尾正眼全足全會得
分文不值不會疑則別參蒼天山僧生在萬曆四十二年

小參舉臨濟示衆云有一無位真人常向汝等面門
出入未證據者看看師着云憐兒不覺醜時有僧出
云如何是無位真人撞破髑髏濟下禪牀擒住未是
好手僧擬議萬水千山濟托開云無位真人是甚麼
乾屎橛着甚死急復云這僧雖然當面蹉過猶解挨
拶將來臨濟恁麼道未免龍頭蛇尾如何卽得未證

60 1 2 3 4 5 6 7 8 9

70

80

90

撰述

三山房印鑄卷之三

四

據者看看

小叅要明這件大事必須打貼身心潔淨若脚眼下有絲毫沾滯百劫千生也沒個妙悟日子何故祇爲諸人屢劫以來被妄想情緣沉迷羈鎖在生死海中頭出頭沒無有了期所以個個宗師出來百計千方百手拯濟你道他圖個甚麼諸昆仲當念知識難遇法會難逢坐長連牀住清涼殿水來濕手飯來張口不肯盡情放下着實叅尋莫道辜負流光何以酬檀信脂膏行人血汗是卽是叅禪須是信得及然信有淺淡叅禪須是見得到然見有真似深信則百折不

回真見則纖毫無礙纖毫無礙而內外圓明百折不回而始終一致踢翻斷常窠窟打破生死關頭上無佛道可成下無衆生可度灑灑脫脫優游游緩叫做了事凡夫出頭漢子設或未然喫飯喫茶切忌連舌頭吞却

小叅考功說話揚聲大罵說話考功喚雨呼風不說不考無煩無惱又考又說有縱有奪一錯二錯三錯四錯東街王老賣好膏藥

小叅舉乾隆上堂云舉一不得舉二師喝放過一落在第二師喝雲門出衆云昨日有人從天臺來却

往徑山去師喝峰云明日不得普請師喝乃云兩個老古錐揚聲止響掩耳偷鈴有甚交涉來主座據款結案道是甚麼復喝一喝

小叅有言有說無縫挿楔無說無言萬里青天一期粥飯隨時到日終朝佛事任爾周旋叅竈上烏鵲渡夜繡暗中一線最難穿

慈舟禪人綠化被害綠林師對靈小叅云曾記雲集院裡驗汝六六三十六如何會汝答云五五二十五又問死了燒了作麼相見汝掌云恰好相見鼻孔略有些子氣息今向甚處去也昔有一老宿住山施主

送信供二十兩賊窺之以刀加宿頸索云汝寶犧宿云僧家之寶非君所需賊云把將來宿大喝一聲遂被害看這老宿雖是一刀兩段且喜法不容情汝今爲衆忘軀三生慶快是則是只是不許計較何故生死罪福等空花順逆往來皆方便喝一喝

小叅昨日十三鐵牛銜月臥深灘明日十五木馬嚴前穿雲舞卽今甚麼時節崑崙腳底腦門裂衲僧鼻孔本天然何用憑空強摸索長不長短不短十字街前打破碗七花八裂可憐生收來依舊團團轉見也麼見也麼猫兒狗子下油鍋脫盡皮毛熬盡骨虛空

60 1 2 3 4 5 6 7 8 9

70

80

90

100

一編述

三山福印金華卷三

拍掌笑呵呵

羯磨小參舉儒云過則勿憚改拳打心下事過而不
改是謂過矣再犯不容聖賢恁麼道無非教人從不
覩不聞中戒慎恐懼十目十手處誠意正心惟自慊
母自欺穿靴挂棍一步步踏實行來若在衲僧分中
則道菩提生於煩惱妄想即是真如殺人刀收來放
去白拈賊換日偷天頗是倒非訶佛罵祖姪房彌勒
酒肆觀音果具這般手段一任橫行直撞不然也須
問過

小參連喝四喝云這張不了公案古今混淆山僧今

日重新打算汝等還分疎得麼復喝一喝

除夕小參小盡二十九兩臂一雙手大盡三十日下
牀腳踏地年窮歲盡事如何燈籠露柱抱頭泣諸昆
仲誠然痛念生死須是愛惜寸陰勿謂今日不辨而
有來日今年不辦而有來年直此姑待因循從劫至
生不知虛費過多少日子祇如山僧與諸昆仲同住
興龍倏爾春倏爾夏倏爾秋冬眨眼轉盼又是一載
且與做個見了着役底算帳就此一載之中果有實
落功夫麼得母造諸業緣麼若是真參實學苦志勞
心不逐境緣不貪利養從大火聚中安身一毛頭上

60 1 2 3 4 5 6 7 8 9

70

80

1 2 3 4 5 6 7 8 9

80

1 2 3 4 5 6 7 8 9

識取這一載總不虛過不則業由妄生妄由心生着我着人執空執有量不足以容衆學不足以輔才此等瑕疵實成疚患乘茲除夕聽吾道個解結偈子貴圖解脫冤家彈指一下云業除妄除心亦除除到無可除處一任數間茅屋縱步經行七尺長連伸脚打睡晨朝起來依舊焚香掃地運水搬柴一上神通豈同小小山僧恁麼告報設有個旁不甘底出來把住云如來禪許和尚會得祖師禪猶未夢見在但向道如來禪祖師禪一口吐盡野狐涎晝夜郎當三百六明朝初一是新年擊禪牀一下

上元小叅火樹銀花處處開街頭鬧市自徘徊山中不作閑遊戲那識元宵今夜來驀豎拂子云此乃衲僧家不息底明燈一盞時時朗耀在在輝煌三世佛祖六道衆生鳥獸禽魚河山草木大以成大小以成小短者自短長者自長莫不向這點光中分形別相雖然還知有不別底道理麼三五一輪正月半金吾不禁夜深行

小叅雲行雨施品物流形太和元氣草木皆春今朝又是二月一了看那東風到處勾者萌甲者拆萬物欣欣盡向榮面目本來不借借不借借爲君決生前

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90
鼻孔何曾別非青非黃非赤非白名之不能狀之不得無物可倫無形可埒因地一聲恁麼來踏破東西與南北不問天寬何嫌地窄十方世界露全身到處釋迦與彌勒舉拄杖云見麼擲下云翻身踢倒五須彌大地虛空如潑墨

小叅古人道金剛圈要伊透栗棘蓬要伊吞大似苦人以難山僧不然一粒粟隨伊吞太虛空隨伊透豈不任人以易會得古人難底方會得山僧易底會得山僧易底便會得古人難底難易且置如何是出格句子冬瓜夏放花

小叅荷葉團團似鏡菱角尖尖似錐風吹柳絮毛毬走雨打梨花蝶飛古人恁麼道未得十分親切荷葉團團似鏡菱角尖尖似錐風吹柳絮毛毬走雨打梨花蝶飛山僧恁麼道乃得親切十分且道古人山僧有分別也無喝一喝云潑油救火渾閑事雪上加霜愁殺人

李松亭性真居士請小叅惟此一事實餘二則非真如何是此一事良久云山僧不解畫蛇添足松亭居士遠涉關山飯予座下從派取名若道有名有也是錯若道無名無也是錯將錯就錯道個偈子佛性真

60 1 2 3 4 5 6 7 8 9

70

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

1 2 3 4 5 6 7 8 9

80

如處處圓有無不着本天然回光直悟娘生面蘿月
松風總一般

小叅左顧云東邊底不用思量右顧云西邊底何須
摸索不如齊向中間待山僧爲汝決破畫○相云會
麼好似金城砦一進門長街頭第二間謝象虛賣底
大膏藥畢竟如何苗自地生雨從天落

小叅山僧昨聞佛首座舉趙州勘婆公案驗衆云祇
如前僧如是問婆子如是答趙州亦如是問婆子亦
如是答那裡是趙州勘破婆子處峰維那云祇因前
僧如是問婆子如是答趙州亦如是問婆子亦如是

答這裡是趙州勘破婆子處這兩個不識好惡漢惑
亂人家男女各與三十拄杖雖然官不容鍼私通車
馬且道有過無過良久云弄潮須是吳江客別語還
他漢地人

小叅泰山巖巖高不可攀陟其巔者直下倒翻筋斗
滄海悠悠深不可測遊其淵者卓爾透出雲霄須是
恁麼人始解恁麼事僧出師云如何是千聖不傳句
僧點首師下座

小叅東西五南七北九中央之帝無數安排普告
大眾直須知有知有後作麼生

小參舉竹篦云只這個是汝等諸人各各本命元辰
見得分曉底出來道看一僧出師云絡索作麼
除夕小參年年三百六十日日日遷移日日三四十
二時時時審運因甚殘臘喚作歲盡咄過去底不可
得因甚明朝喚作新年咄未來底不可得因甚今宵
喚作除夕咄現在底不可得既是皆不可得則審運
遷移底又在甚麼處見八兩半斤只這是莫教錯認
定盤星

小參參禪一着本爲了生脫死非徒冒禪者之名學
禪者之語裝禪者之模樣把來當得頓底何謂了生
脫死聾古人云不知生之來處是生之事大不知死
之去處是死之事大不知生死之去來處是生死事
大汝等將謂姓張姓李是生之來處耶將謂往南往
北是死之去處耶將謂一生一死是生死之去來處
耶恁麼會三生六十劫古人又云生本不生故生而
不來死本不死故死而不去本自不生不死故亦無
來無去汝等將謂因地一聲而來喚作生耶將謂斷
却一口氣而去喚作死耶將謂有生有死喚作生來
死去耶恁麼會三生六十劫山僧且爲汝等下個註
脚驀豎拂子云這個生也畢竟生從何來擲下拂子

云這個死也畢竟死從何去以拂子拂一拂云這個亦生亦死也畢竟生何來而死何去座元出連喝三喝師云好喝元禮拜師復豎拂子云還見麼若於這個見得分明方知生者自生這個原不生死者自死這個原不死去來者自去來這個原不去不來生死去來且置畢竟如何是這個慙參

小叅參禪無別事先要向自己腳跟下討個落點更將古人言句諳訛公案逐一叅尋於古木巖前差路上條條經過纔曉得閉戶造車出門合轍底道理曇華結制以來九十餘期汝等有在樹倒藤枯話打失

脚根者有在狗子佛性話咬破舌頭者有在唯識唯心話磕着額顱者山僧且與痛處加錐各打三十拄杖道是賞伊罰伊

小叅占斷第一頭已落第二頭欲免第二頭須舉第一頭且道第一頭畢竟如何舉衆下語畢師云山僧今日失利

小叅參禪做工夫如人喫飯未可一口便飽須是二六時中日用飲食漫漫咀嚼不曾趙州茶金牛飯雲門胡餅洞山冬瓜苦澁酸甜一一嘗過久之銷磨淨盡連屎帶尿撒向他方世界不留一點餽飯殘羹氣

60 1 2 3 4 5 6 7 8 9

70

80

1 2 3 4 5 6 7 8 9

息然後將家常作底百味珍饈要吞便吞要吐便吐不惟自己飽足且能濟彼饑虛唼着底滿口清香
幌着底通身白汗醍醐甘露不是過也衆中有得此受用底麼莫道山僧口滑

小叅山僧從來無些子佛法與諸人說汝等諸人不得謂有些子佛法可求說於山僧若謂有佛可說是名謗佛若謂有法可說是名謗法所以文殊起佛見法見被世尊威神攝入二鐵圍山間今日山僧與汝等同出鐵圍山間去也欲得不遭無間業莫謗如來正法輪

茶話

茶話春殘花落暗悲傷杜宇聲聲空斷腸血染枝頭
啼不盡行人畢竟爲誰忙茲乃農事正殷之際法字
秦善士遠來辦供可謂忙裡偷閒山僧唱個因時曲
子貴求滿座知音歸故鄉歸故鄉天涯漠漠水茫茫
可憐無數途中客逃刦家山實可傷實可傷
誰人不入利名場蠅頭蝸角成虛戰夢幻勞勞到北
却到北却到北却離歌一曲淚千行本來面目空歸
去鳥自啼春花自香花自香幾能鼻孔解承當等閑識得東君面還有續得後韻者麼

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

茶話一心不生萬法無疚法盡心空話個甚麼衆作
禮師下座

茶話小除二十四一衆所共悉更擬問如何格外有
消息舉圓通秀云達磨九年冷坐剛被神光看破於
今玉石不分祇得麻纏紙裹這一個那一個又一個
若是明眼人不須重說破大慧杲云老胡九年話墮
可惜當時放過於今嘿照之徒鬼窟長年打坐這一
個那一個又一個雖然苦口叮嚀恰似樹頭風過我
聚雲師翁云碧眼老人格破東來第一上座自是本
色天真多少癡人慢過這一個那一個又一個強作

羅緞經紀都把尺頭認錯五雲則不然臊胡熊峰久
坐瀟瀟灑灑得過但是鐵骨脊梁那怕捱餓受餓這
一個那一個又一個大家任運縱橫何必更尋下落
具眼底繙素看

茶話山僧有一味波羅密普施大衆能令服者止渴
療饑若是服久靈驗且能常飽不饑常清不渴有下
得口底麼咄

除夕茶話維那白云今年今夜盡明歲明朝來正恁
麼時請和尚開示法要師云今年今夜盡明歲明朝
來但恁麼會更要開示個甚麼那云豈無因時及節

一句師云因時及節虛空腦裂黑漆崑崙身似雪
九夏不寒三冬不熱天地玄黃日月盈昃四序遷流
不改移五行迭更無休歇臘月三十來畢竟如何說
那喝一喝師云山中無爆竹聲響自何來那云明晨
元旦和尙出堂宜早師喚侍者者應諾師云爾須記
得好

師誕期獨存禪人供茶請茶話師云雲門要打殺世
尊獨存乃供養山野打殺底與供養底是同是別這
裡合下一語存禮拜師云謝茶

茶話乾爲馬坤爲牛子屬鼠申屬猴露柱燈籠閑鬪

額呵呵大笑淚長流昨日香爐山與半截磯論義同
聲同氣十分綢繆被這夥不識好惡底來我五雲請
求戒法當頭一踏各自懲懼而休大衆見麼欲超彼
此高高立須乘般若溪溪行

茶話山僧住五雲疎疎復落落檀信入山來畢竟何
所作舉盃云見麼如是作如是受如是因緣大吉无
咎放下云舌頭原在口

大笑禪人母難請茶話笑出師云如何是汝報親一
句笑作禮師云恁麼不須山僧饒舌笑云還請和尚
垂慈師云臘八日巧相因世尊成道閻黎誕生成道

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

根述

三山禪師詩錄卷三

底直悟得有生面目誕生底便具有悟道風光正恁
麼時闍黎在世尊眼門世尊在闍黎腳底喚作生亦
得喚作悟亦得喚作有悟有生亦得喚作無生無悟
亦得雖然如是莫教辜負良宵夜覲着明星大孝全
珍重珍重

除夕維那請開示茶話師云山僧與大眾歲歲年年
日日夜夜坐則同坐行則同行飲則同飲食則同食
問來答去日用周旋何嘗不是開示必待今夜茶間
說話然後爲開示耶直得不違所請葛藤一上大凡
參禪人直須一個信字做工夫直須一個忙字信得

自己成佛作祖有分則禪不容不參識得自己了生
脫死爲難則工不容不緊工夫喫緊底方名真正參
禪真正參禪底工夫自是喫緊所以然者無非爲這
臘月三十日一着子恐其大事不明未免手忙腳亂
必是平日銷盡伎倆燶盡頑軀更無分毫星欠臨末
梢頭乃能自在逍遙倘於這着子見得分曉便知入
口是茶開口是話何語非話何物非茶何茶何話不
爲開示除此之外別有開示分也無爆竹一聲催臘
去梅花幾點送春來

茶話維那白云文德宇居士特上高峰辨供請和尙

方便垂慈不負脚跟消息師云法無定緣因緣而遇
有條攀條無條攀例如何是條例邊事昔日黃山谷
居士參叩晦堂乞指捷徑處堂云祇如仲尼道二三
子以我爲隱乎吾無隱乎爾者太史居恒如何理論
谷擬對堂云不是不是谷迷悶不已一日侍堂山行
次時巖桂盛開堂云聞木樨花香否谷云聞堂云吾
無隱乎爾谷乃釋然今日德宇文居士不辭跋涉登
山涉水而來辨希有供請求開示山僧但將如上因
緣潦草頌出習習香風樹底生無端巖畔暗驚人等
閑透得無隱旨處處林花處處聞還聞麼若也聞得

高峰頂上且許居士踏到

茶話只這一句西天四七東土二三都來沒起口處
山僧爲汝等道破逢人不得錯舉

三山禪師語錄卷二

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

三山來禪師語錄卷四

書記普定編

示衆

示衆口不解說蜈蚣無脚耳不解聞木馬懸鈴眼不解見瞎驢磨麵這個直尋常秦時轆轤鑽○看雨打梨花風吹柳線○○

示衆諸兄弟要會便會若不會我也沒奈你何
示衆象馬有角牛羊無角烏龜三尺毛崑崙一丈腳
倒駕鐵船山頂遊橫騎木馬潭中過黑頭生個白頭
兒無手抱着有手臥參

60 1 2 3 4 5 6 7 8 9

70

80

1 2 3 4 5 6 7 8 9

示衆有一人有頭無尾有一人有尾無頭有一人頭尾俱全有一人頭尾俱不全揀辨得出各下一轉語不然山僧代爲註破有頭無尾就市老漁歸不得有尾無頭臥雲野叟出門難頭尾俱全入市穿雲往来自在頭尾不全身上毛不出腦後角不生若是驕直相逢切須仔細

示衆夜來拄杖子無端惡發噴地跳出玄關頓開金鎖一頭撞破虛空血流滿地忙道個飽齁齁哭了不療饑仍駕一隻無底鐵船泛入洪波浪裡閑觀把戲見一夥憂鳴悲鶴說短道長無數瓠子冬瓜辯曲理

直伊乃放身輾在裡許直得瓦解水消憊懶而散正恁麼時心灰氣盡意絕情忘翻轉身來已是木鷄啼夜芻狗吠明泥人拍板石女橫簫大眾見麼八十翁翁輦繡毬真誠不作小兒戲

示衆鷄寒上樹鴨寒下水粥稀後坐床窄先卧蟻螟眼裡開夜市蝸牛角上打鞦韆道是甚麼語話示衆興龍無事一味穿衣喫飯却教汝等向長連床上合着眼盧着嘴趺着膝一個個擦褲磨裙有甚交涉喎

示衆末法時代巧僞日生叢林規矩略而不講上下

60 1 2 3 4 5 6 7 8 9

10

80

1 2 3 4 5 6 7 8 9

無禮進退無節起居食息縱逸乖違視繩超尺步者爲拘謹之夫以蕩檢踰閑者爲曠達之士二三作黨侈口譏彈五六成群牽襟嘻笑傳言送語而畫蛇添足背非面是而射影含沙挾愛憎之私枉毀譽之實使東西疑忌內外參商玄黃戰水火爭有由來矣其或不自檢束動靜乖方容止失序驕心傲氣亂性渝真鄙物輕人喪淳薄德不分老幼不識尊卑不恤愚蒙不看病苦甚至裸身跣足師作弟隨放飲高歌此倡彼和逃而不悟習以成風嗚乎法門凋敝僧行穢汚亦至此乎古人云非先王之法服不敢服非先王

之法言不敢言非先王之法行不敢行世間士尙爾兢兢自持而况出世間者哉豈知佛祖相傳爲此一段大事因緣爲所難爲忍所難忍慎小以及大謹始而慮終名利不關其胸得喪不攖其志逆來順受煩惱海徹底無波就下平高人我山微塵不起奉持淨戒似皓玉之無瑕嚴護心珠如牟尼之在掌事無巨細而凜以小心道絕顯微而擔以大力不問鑊湯爐炭但期弘法利生六度萬行齊修四恩三有普報詎曰小家子規規尺幅之中夫亦過量人歷歷修行之詣有如是耳悲夫祖庭秋晚佛道凌夷娛情適意之

60 1 2 3 4 5 6 7 8 9

10

11

12

13

14

15

16

17

18

19

20

21

22

場好行處人人着脚且謂得個便宜拌死忘生之地
難做底個個寒心何曾積些功行求其慈悲真實忍
辱謙和坎而不盈卑以自牧不惱亂夫大衆不愧怍
於龍天以謹節制度爲師承以遷善改過爲良友積
以累歲負春執爨辛勤十年念年用之一朝把釣持
竿撥着一個半個守先待後紹祖承宗若而人者殆
若龜毛兔角而杳不可得矣大約無智之徒甘心暴
棄作意佯狂忽略細微顛倒軌範愈趨愈下日背日
馳語云焰焰不滅炎炎若何涓涓不塞終爲江河綿
綿不絕或成網羅毫末不札將尋斧柯彼蓋有見於

遠久甚大之害無有紀極而爲之言歟山僧心傷已
久目擊良多幾番泣路悲絲非謂辯白競黑誠恐後
進之流隨波逐浪直得不惜口業點似諸人凡我及
門寧爲衆濁之清毋作亂苗之莠虛空可壞規矩勿
壞山嶽可頽規矩勿頽滄海可變規矩勿變將見叢
林整飭龍象崢嶸寢熾寢昌可傳可法模範豈同小
小哉略示軌儀次列於左

示衆山僧昨夜夢中說法云萬境皆幻萬象俱空一
切心生心生一切空幻旣滅心亦何存生滅無依無
依空幻此山僧鑿語也勿用記取

60 1 2 3 4 5 6 7 8 9

70

80

1 2 3 4 5 6 7 8 9

撰述

示衆興龍山間數期積雪河山草木片玉打成一朝
旭日東昇茅簷墮淚睜起眼來山猶是山水猶是水
爲天爲喬分眉列目正恁麼時如何是道人行履莫
言一色渾無事更有風流向後看

示衆一二三四五六今不今古不古六七八九十乾者
乾濕者濕趙錢孫李沒奈何周吳鄭王無巴鼻天地
人日月星秋冬春夏水火木金逢人且說三分話未
可全拋一片心

示衆父母未生聰明不有形骸旣具耳目皆靈臥耐
逐色隨聲無有了口可憐生把本來而孔變成鬼腦
神頭眼波波地耳聒聒地那得個收視返聽如聾似
瞽底人說到這裡覺得山僧有些不平如今且敎你
祇管向鬧市場中稠人所在走過一回看你脚眼下
有些氣力不若是站地得穩不東倒西歪又要扭着
你鼻頭問你每日間耳朵邊眼睛邊聞底見底是個
甚麼因思香嚴靈雲大沒勾當他也從擊竹觀花處
出過一身白汗來似這般伎倆落在山僧手中各打
三十拄杖一下也較不得爲甚如此不見道從門入
者不是家珍又且放寬一着打開觀音文殊二門姑
容你們出入古人云聲不是聲色不是色的的底道

60 1 2 3 4 5 6 7 8 9

80 1 2 3 4 5 6 7 8 9

看又云情封則物理契則神也須放活鑠些好恁麼
看來未審聰明作麼生用聽得這樣說話設有個漢
出來道某甲不在聲色裡作活計我直得無言可答
緊閉着方丈去也還有末後一句想要與你點出爭
奈山僧耳瞎

示衆興龍驗人有三句第一要逆開項門第二要扭
轉鼻孔第三要脫體逍遙須是不動唇皮分明道答
還有同生同死底麼

示衆參禪人若要此事穩當除非三年五年十年二
十年方有點胸自許分如徒向他人喉下取氣則口

頭訣耳邊風有何益哉學者切須自審

示衆五雲千言萬語止向汝等道得途路邊事至於
到家一句必待自證自修不然終被別人瞞過可嘆
可嘆

示衆佛法不是鮮魚那怕爛却恁麼道也是淚出痛
腸山僧每日口吧吧地就汝等高低資質深淺工夫
隨方就便搭梯設階指引一條向上路等汝各自到
家便休似這般癡心不了總爲冤債未酬故造如許
口業無奈汝等視爲泛常把對症語言聽作打傳口
令獐頭鹿耳大家閑閑一場又懲懼而休何曾經心

60 1 2 3 4 5 6 7 8 9

70

80

90

着意來殊不知生死事大無常迅速正恁麼時譬如
病者將欲垂危急求一救覓得個明醫國手莫管人
參貝母甘草黃連但要起死回生臨灘一劑解毒湯
清涼散入口便服保和丸益壽丹到手便吞吞下肚
中冷水水熱烘烘或補或瀉或汗或消自然搜腸剔
胃祛害除根若是諱疾忌醫寧死不服久久病入膏
肓縱遇扁鵲盧醫直得撫膺長嘆獨不念因病與藥
診候用方渠家費了多少辛苦難道是圖你利市藥
資肥家快口底難道是怕你喪身失命沒個替代底
難道是救你一人圖好名聞等他舖面行時底總之

一切膚之痛同患之憂卽我大覺醫王救度一切衆生
之悲願也抑更有說焉病之傷於行住坐臥者昏沉
妄想也病之結於五蘊六根者色聲香味也病之匿
於心腕臟腑者無明煩惱也以至種種人我種種是
非種種逐境隨緣諸般不正之病病之粗者也若夫
聖解不除凡情不盡三際未斷諸漏未消多端微細
之病不能枚舉者要在當人自調自攝自重軀命可
爾甘苦自知痛癢自覺起沉疴而養聖胎證金剛而
得不壞予於諸人有厚望焉昔人有言曰淮州牛喫
禾益州馬腹脹天下覓醫人灸猪左膊上山僧曰不

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

是好手亦有一偈張病便醫張李病便醫李風寒暑濕要分明莫將頭痛眼花認作癰瘡脹痞五雲有味死猫頭加上引子服也在你不服也在你珍重

示衆山僧十數年前以見見十數年後以不見見而今覓個見與不見了不可得汝等諸人作麼生檢點若檢點得出入地獄如箭射

示衆頭頂天脚踏地行住坐臥任其自然忽遇天翻地覆時如何安身立命

示衆從來鐘板之設所以一叢林之耳目定日用之準繩準繩定故日用清耳目一故叢林法昭昭乎炳

若日星凜凜乎肅於律令弗可犯而悞也乃賢智者率而循之不厭其繁遵而守之不昵爲細日熟一日時精一時是以節度無乖鏗鏘有韻性情之和平以寓志氣之中正聿彰非曰畏規矩也實乃敬叢林也非曰防耻辱也實乃齊日用也細行不虧大德以著安知今日嚴護規矩之人不卽異日表揚法化之人乎無何泛泛之徒非怠則玩非縱則拘拘之者愈慎而愈差玩之者彌穢而彌錯差錯則不能不舉舉白則不能不罰罰行則不能不跪香行禮跪香行禮則不能不普告大衆普告大衆匪但以掩耳目也正所

60 1 2 3 4 5 6 7 8 9

70

8 9

撰述

卷之三

以立準繩也匪但以立準繩也正所以動懺悔也匪但以動懺悔也正所以謹戒將來使不敢一犯而再犯一誤而更誤也而孰知有不然者聞舉着則煩惱生煩惱生則懷怨於悅衆經行罰則無明起無明起則隱恨於座元告大衆則人我滋人我滋則比是非較長短於內外是非長短人我無明交戰於胸中求其做工夫明大事叅話頭子生死益亦難之難矣諒亦非有意爲此也始則失於偶爾之疎繼則擾夫清淨之念甚則成其暴棄之因此無他省察之未密耳刻勵之未專耳叅求之未篤耳夫率性而便者非其

智者也任情而往者非其賢者也惰慢而恣肆者非所以禔躬也傲忽而狂逞者非所以育德也慎小乃可圖大謹始方能慮終卑而愈光謙則受益世諦之矢志成人者亦且戒慎恐懼而况佛祖道場修行關捩自甘顛倒軌範軼越威儀取笑旁觀輕舉自己惡乎可哉今日鐘板從旦至暮錯亂參差直日何人作麼結案竊恐規矩寢削日益廢弛體制迭遷不可救藥向後首領執事務要加意整理犯則必舉舉則必罰罰則必如例嚴明設有蹈前所說疚患者亦付莫問渠自誤渠非爾等誤渠也咨爾法衆各自反而求

60 1 2 3 4 5 6 7 8 9

70

80

9

標述

三山禪語金言

之小心慎慾未必無裨於正事其敬聽斯言母忽示衆舉芭蕉清和尚拈拄杖示衆云你有拄杖子我與你拄杖子師喝一喝你無拄杖子我與你奪了拄杖子師喝一喝乃云芭蕉道得分明五雲用得恰當若無芭蕉道底五雲無由發端若無五雲用底芭蕉無從結案芭蕉道的且置如何是五雲用處隨拈偈云虛空擊碎一張口帶累眉毛拖地走何似曲肱深夜眠管他知有不知有復喝一喝
師誕期示衆盡大地都被生死二字謾却汝等又被山僧今日謾却何故顰將謂是山僧母難

示衆活了死不得情識邊走殺人無數死了活不得澄潭裡浸殺人無數活中死得來盡情放下灰飛烟滅死中活得來握土成金拈來便用若是英靈男子出格丈夫便與一齊抹過不然且莫匆匆草草

法語

示中知禪人行腳衲子須是步步踏實始不虛費草鞋如徒信脚信耳聞道東方有個宗師便往東走西方有個宗師便往西行及至明眼人前或一言半句了無入處反道佛法無靈機緣不契將些有用精神盡向崎嶇路中銷鑠脚跟到底無點地日子豈知此

支那

三山禪語金言

上

60 1 2 3 4 5 6 7 8 9

70

80

1 2 3 4 5 6 7 8 9

撰述

事不從外覓不向他求若能當下知歸狂心頓歇天平云當其發足南方時早知道錯了也試看天平所云錯錯在甚麼處這裡會得蓬門茅舍鳥語花香林下水邊風清月冷隨時自在到處優游終日勞他腳頭有甚交涉

示隱居禪人行脚宇宙忒無情怪出山與水奇哉世外人踏翻在腳底青山青疊疊綠水綠潺潺非山亦非水撥眉仔細看看來無不是幾個知端的鼻孔下頭垂無人解出氣杖頭懸明月鉢底盛清風直須恁麼去風光處處同

示無言西堂言西堂叅隨將近念載山僧於五雲制中授以入山杖子令續掌師一枝言掩關白龍厥志可尚乙巳山僧受磬山之請命言再來茲又二載輪職監院事山僧念之不能無說彼諸佛諸祖大地衆生以及有情無情總被巴掌先師以無文印子印破面門各各放光動地而今這個印子旣佩爾身毋得輕自提持東觸西撞堅擲橫拋恐其零星破碎有甚用處直當善自保護待其法法頭頭不離這印腔子又將這印腔子一槌擊碎無絲毫線影障人眼睛那時任爾堅擲橫拋東撞西觸不論此土他方人間天

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

上來今往古諸佛諸祖大地衆生有情無情都與一印印定雖曰無文而暗中文彩朗耀輝煌豈不有光祖烈當此法門衰替衆志移轉之時爾能硬豎腳跟不辭勞苦擔荷執事可謂夙願不忘向後還宜大展眉端把有爲諸法一眼覩破不加半點意思或林下水邊逍遙任運或街頭市境引接隨機一方便行來在在真實做去不問因緣而因緣自至不求受用而受用自長到這裡主張擇持聽之龍天護法當必有不負自己不負山僧者山僧苦心別志多不忍言爲書數語以貽厥訓爾其取之

示大衍後堂末法時代叅學之流類多務華少實衍子自隨山僧充侍寮入記室職後堂曾印以偈蓋十二年於茲矣至是自當園頭執事山僧喜之因思古來宗匠作家無一不從行門而出或有大事未明借此磨煉身心潛修密證者或有大事既明於間藏縮頭脚積德培功者當其矢志作務時但知不愛筋力不惜皮毛不敢於稠人廣衆中偷安習懶坐消檀度信施空食行人血汗一味真心誠意忍苦任勞而孰知行滿功圓時節一到受大福報享大因緣護法龍天不肯辜負感應之理自然而然爾今於磐石山中

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

行此妙行豈不是從根本着實處做人此段苦心阿
誰忍昧惟是饅頭落處下下莫空任是佛來祖來一
鋤兩段若是無明種子煩惱根株是非人我藤蔓還
他盡情剝削勿畱些子夾雜荒塞淨田縱有甚麼釋
迦鼻孔達磨眼睛總與瓦礫石頭一並拋却打掃一
塊潔白白地將正性真種因時播種好好栽培直待
靈苗滋長果熟馨香和盤托出供養人天大有饒益
豈不快哉古人云若人識得心大地無寸土饅鋤柄
子既在爾手正恁麼時向甚麼處着這裡合下一語
山僧與你大作證盟未爲分外

示惺書記參禪學道先以志氣爲主志氣堅定一切
逆境塵緣擾亂腔子不得志氣向上一切旁蹊曲徑
移易脚跟不得蓋由別具信根另着眼孔信得超佛
越祖定有機關看得脫死了生非同兒戲尋訪知識
細密參求雖棄體忘身執勞運力總爲因緣大事更
不轉腦回頭惺若禪人初於五雲受具隨堂參請向
上志氣立定已堅抱病數年益淡磨煉山僧如磐職
侍者事歷經二載純一真誠茲又簽入記室縱運墨
握管之間不異執巾奉筆之日參請克勵儘有苦心
山僧鑒而憐之不吝葛藤一上大抵此事非遠只在

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

90

日用尋常處只在作爲動轉處只在應事接物處初則借境以煉心繼則心忘而境寂久久純熟不用造境而境亦無妨不用攝心而心亦無礙臥輪云臥輪有伎倆能斷百思想對境心不起菩提日日長六祖云惠能無伎倆不斷百思想對境心數起菩提作麼長誠如臥輪所證可謂得力修行誠如六祖所言纔算踏翻關捩然又必由修行得力而後能關捩踏翻到得伎倆渾無田地把生死二字拋向大洋海中佛祖虛聲掃置糞草堆裡灑灑脫脫優游做個了事丈夫出頭漢子聽其因緣時節隨遇安身自度度

人乃各人本分中事自有不幸負從前志氣者禪人勉之

示垣侍者佛法無多子久長難得人若非踏定腳跟立就志向有順逆不移之節有死生不易之操鮮不見物而遷隨流而合紫垣侍者參隨山僧十有餘載清操潔志凜於冰霜白意直衷皎如星月且沉潛厚重伏爪藏牙謹慤謙和讓人退已至於執侍山僧盡心盡力真誠質實始終不渝每與敝衲蒲團日尋侶伴自爾心眼開豁不嫌破被蒙頭非比黑山鬼窟作活計者山僧一日對人天衆前報道高峰頂上有一

60 1 2 3 4 5 6 7 8 9

10

11

9

隻瞌睡虎垣出班一喝令人膽顫心驚因思國師三
喚三應猶謂辜負而今高峰一語一喝又且如何想
是當人多年方丈竊得如許贓私一朝考較將來不
覺信口供出可謂作賊心虛山僧姑且放過一着仍
令如前踐履照舊操持有時睜目揚眉聲聲震吼展
開沒量膽略露出噬人爪牙長沙大蟲莫與爭鋒虎
丘睡虎無能拒敵是則長久得人之明驗也順逆不
移死生不易吾於子有厚望焉囑囑

示笑監院從來打不破底關頭莫過生死二字最長
遠底受用無如功行一途生死昧則關頭不開功行

虧則受用不大欲破關頭者須是拌着身命不顧危
亡舞劍輪刀向煩惱國中無明城裡人我是非墮上
直撞橫衝戰退魔軍剿除賊子使四海蕩平八荒清
泰更有甚麼險隘玄關阻人來往來往無礙則生死
平常生死平常則大事明了夫所謂大事明了者卽
生而不生死而不死不生不死卽無去無來無去無
來卽隨來隨去無些子粘帶無絲毫牽纏任運縱橫
隨時瀟灑至於功行一途又是培植福德邊事古人
一日不作一日不食大有樣子雪峰典座大慧淨頭
福報人緣千古稱盛如斯之類未可枚舉楊岐監院

三十載中峰侍闕二十年這又是銅筋鐵骨長遠不
變底大笑禪人頗有資格十餘年來參隨山僧皆有
執事乙巳山僧受曇華請以高峰院事付禪人管理
毋論巨細一切經心兼有土木之功禪人不憚身先
行行就緒功竣請山僧轉錫開爐山僧一日上堂垂
下一鉤云今朝臘月一寒氣將人逼雪落滿林花霜
凝遍地玉兩堂雲水僧個個赤骨歷親切轉身異類
行更有末後那一句笑出山僧云速道速道笑云季
冬嚴寒切忌口快山僧云恁麼又爭得笑點首卽此
可見笑於功行途中亦具破關手段從茲操履受用

何窮乃若煩惱無明是非入我只合於輪刀舞劍時
一齊斬斷先哲有言學道如鑽火逢烟且莫休直待
金星現歸家始到頭到頭一句俟禪人歸家穩坐自
有話說

示霜鏡禪人春之風可以感人夏之雨可以悅人秋
之月可以涼人冬之火可以煖人入乎四時之中出
乎四時之外者方且無我無物而無人夫如是乃可
以遊廓市而處山林

示穎初禪人修行無別爲了生死生死本無何處修
行雖然如是若不艱苦磨煉豈知飯是米作衣是綿

成直饒知得飯是米作衣是綿成更有轉身一路在
如何是轉身一路啐忘却了也

示這是王居士昔有僧問念佛底是誰山僧云念佛底是誰又有僧問念佛底是誰山僧云念佛底不是誰檢點將來大似一口兩舌會麼朝三暮四朝四暮三亦令猴怒亦令猴懼參此話者但恁麼會取

示瑞侍者造物何心於大地而獨厚丘林荔荔蔚蔚草木繽紛奇而且幻霧靄雲騰處其間者徜徉自在而不逐風塵一爐香一幅字一卷經相與晤對有時出泉石而與人共話乎無生

示魯書記老臊胡熊耳山前作個甚麼至今無人分疎得下五雲山中忽爾有人着眼道渠是個瞌睡漢有甚交涉莫言知恩少負恩解報恩

示王侍者出家修行爲着何事自度度人曰志曰氣自度爲先度人爲次然必度人乃自度事自度云何母自暴棄矢志參尋惟孜惟亟或詢師長或諮同類觸此通彼鬼神莫覲擊碎泥團平沉大地面目本來只這便是勿效時流隨群逐隊入傀儡場以作兒戲潛牙伏爪俟因緣至挺特爲人龍天懽喜此時此日但依山之隈水之際伴烟霞而棲止

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

示松埜禪人天之高也未爲高地之厚也未爲厚萬物芸芸未爲繁惟有此心難如舊觀形不見眼如眉聞聲不知耳若手夫如是用以返乎渾渾冥冥而無暫無久

示空世沙彌禮觀音文和南稽首觀音大士聞聲救苦無量慈悲我今弟子法名空世幼小出家相依知識恐我宿世罪業深重恐我壽命不能長久於法無聞於道難悟茫茫此生光陰短促我今志誠皈禮大士願賜慈悲哀憐救濟父母生我不能壽我師長教我不能壽我君王臨我不能壽我檀信護我不能壽

我惟大士恩深於父母惟大士恩逾於師長惟大士恩重於君王惟大士恩隆於檀信令我長壽得聞於道報父母恩令我長壽得聞於道報師長恩令我長壽得聞於道報君王恩令我長壽得聞於道報檀信恩我此哀聲入大士耳以聞聞聲救我我此哀心入大士心以不聞聞不聞救我我若日用三業未淨仗大士力蠲除一切我若累劫造諸重罪仗大士力願悉消滅大哉觀音真我慈父靈感圓通俾我得度既度我矣普度世間讚者禮者俱獲延年我今拜禮觀音聖號如月當天無水不照

示性覺嚴居士禮接引心是佛心行是佛行憑爾心行作佛有餘爾名性覺性覺亦非爾覺若忘爾性復矣稽首慈尊尊鑑不遠接引往生豈棄於爾爾生無慚爾死無愧無愧無慚復誰生死既無生死爾直任之任爾真實以觀導師

示性初悟本吳道人四大本空五蘊非有惟爾性初不着色相何名爲性性本空故何名爲初無空性故無終無始名爲復初原始要終名爲見性此心常潔此性常貞貞潔之質永離死生生死亦忘可以久長久長不着水流花香了相非相悟空不空脫此幻體

證彼金容

示性健何乾行居士作善餘慶爲善降祥惠廸則吉
錫福悠長聖賢之語無不實者况復矢志修行留心
學道除煩惱絕是非有不可以配天獲吉者哉乾行
居士自經離亂歷涉風波可謂艱苦倍常一日歸我
無言弟子兢兢寡過遠害爲慮來請山僧垂示山僧
示以偈曰謹始慮終勤終若始恁麼恁麼獲福無比
至於悟明本分一着須是踏翻關捩去又不在此格
則中說話

三山來禪師語錄卷四

撰述

三山來禪師語錄卷四

四川向化侯養元譚公諱詣捐俸刻

武士白城子也

學士余厭歸故其子不以爲入費古文

不其數回見于學士翁善從要爲善利貧惠數限

三山來禪師語錄卷五

書記普定編

機緣

師同耳菴和尚遊觀音寺至殿門菴云沒得觀音師云這不是菴云總不見得師與一掌菴作躲勢師云觀音觀音

范惟一問除却煩惱卽是清淨時如何師云除曰一切俱除除個甚麼師震威一喝一佇思師便打

衆隨師遊水月菴師以拄杖畫中云不得踏着不得越過不得四面之遶作麼生過一僧逕過師云打失

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

七言詩錄卷三

一隻腳

裴文學問未生我時誰是我師云張三李四曰旣生我後我是誰師云李四張三士沉吟師驀面兩掌一僧入室師云汝道問汝那一句僧擬開口師叱出腳纔跨門師召云來向汝道僧擬轉身師復叱出師入堂見一猫走過師問衆當日南泉斬貓道是真否後堂云他原不作假師復問首座設若趙州遇南泉舉似時答個我在青州造領布衫重七斤此猫還救得不座云設若僧問趙州一歸何處時趙州脫草鞋頂出和尚以爲何如師云不是這個道理

元旦遊山監院作禮云新年出隊萬象生輝伏請和尚垂慈得共山靈懽笑師云正月一無個事緩步行走何拘繫烹茶傍嶺折疎藜襲坐臨崖趺小石拍掌唱個太平春也賢賢親親樂樂利利院云卽今眼底一句又作麼生師云山頭惟見長松綠道上仍看舊草黃

師久不說法維那白云明日望旦請和尚上堂師云我卽今爲汝陞座侍者云諦觀法王法法王法如是師云各司其事好

一僧自江南來參師云汝甚時到此僧云昨日夜分

60 1 2 3 4 5 6 7 8 9

70

80

1 2 3 4 5 6 7 8 9

撰述

三上禪師傳錄卷五

師云不許夜行你因甚知而故犯僧便喝師云落在甚處僧召侍者云上座師云叅堂去

師入堂衆作禮師云作禮且置山僧有一字書向汝等認看維那度香板與師師於地書一佛字那以脚抹去師向那問訊那亦於地書一佛字師以脚抹去那向師問訊師云維那今日觸忤堂頭大眾一齊舉罰那云和尚不得奪某甲執事師云山僧罪過那作禮師呵呵大笑

總戎袁寶善居士從派慶忠老人隨師叅叩力究多載一朝點胸更名性煇師與別號香蓮有頌古刊行

於世

新寧縣尹沈赤肩居士叅師師痛加錐劄士低首良久師云曾見夾山參船子機緣麼士云見師云試舉看士舉至夾山辭行頻頻回顧處師蓦豎掌云將謂別有耶士當下釋然後見猫捕鷄鷄飛入草中師取磚一片置地云是甚麼士作鷄鳴聲師云這話猶未圓在士將磚一脚踢去師乃印可

元旦遊山維那舉盒云裡許是雲門公案更有曹洞宗旨請師揀辨以便下口師驂拈一片云臨濟兒孫不許說他家語話那云也須嘗過師喚侍者與大眾

60 1 2 3 4 5 6 7 8 9

70

80

9

普傳

師以三句語驗衆衆下語不恰師自代云如何是逆開頂門句瞎如何是扭轉鼻孔句常如何是脫體逍遙句苦書狀別云不不師云錯說爲當僧問如何是末後句師云呦呦鹿鳴食野之蘋僧云恁麼得到牢關也無師云汝作麼生會旁僧云也要記着師云也要記着

師一日令侍者將墨硯一塊清水一鍾置法堂上三日後師入堂問日前公案還有圓得底麼衆下語不恰師以硯覆鍾口作女人拜歸方丈

師山行次指水田問一沙彌云有水無水曰有水指旱田問一沙彌云有水無水曰無水復指片地問云這個聾沙彌相視而笑師云本色沙彌

衆僧唱韻次師豎掌云這字作麼生唱一僧撫桌師云歸那個母曰請和尚指示師云待汝切得字時卽向汝道

一僧過九峰師云九峰山前有一關道得卽去僧便行師召云禪和僧回首師云猶未過關在

朴素道人見師師問魯祖因甚見僧來便面壁素便喝師云一口氣不來又作麼生素云藕斷絲不斷師

60 1 2 3 4 5 6 7 8 9

70

80

90

100

撰述

三才圖會

卷五

云參

師出方丈偶召一僧僧擬議師喝退復召一僧僧近前師呵呵大笑

囑玉維那機語師云耳菴師兄受衣鉢於巴掌先師開堂四刹不輕授受一朝示疾囑令門人等參隨山僧並以衣鉢轉托交代菴逝後亮維那華侍者定學人聖化主同參山僧於五雲不數年定住高梁華亦脫去聖以原執事充入高峰及山僧受請盤山亮復隨焉十載未離行履見地勘驗有素應以轉托山僧之衣鉢代耳菴付囑於亮夫耳菴兄山僧之手足也

亮維那耳菴之弟子也山僧於菴則兄視之於亮則侄視之法門分誼凜然千古今以耳菴之弟子仍接耳菴之衣鉢匪獨不忘耳兄也亦且不負掌師也亮維那其永續菴嗣而昌厥後聽吾偈養成頭角自耳菴牙爪淡藏又十年珍重熊山獅子子長流法乳續燈傳

李居士問天地未有何物爲先師豎起拂子士云只這個更別有師放下拂子士禮拜師云且莫詐明頭

勘辨

一僧來參師云如何是脚跟下事僧頓足師打云十

支那

三才圖會

五

萬八千程又一僧至師云近前來僧近前師便打僧便喝師又打僧云某甲親見和尚師復打僧禮拜師去喫茶去

師問佛幻文殊見個甚麼便白槌幻云本是無孔笛何用楚歌吹師休去至晚又問汝早間祇對話意作麼生幻云和尚問他作麼師又休去

一僧過師前師召云還記得話頭麼僧撫掌師云作麼作麼僧云還和尚話頭師便打

師舉百萬劍戟逐猛虎至壁立崕不損皮毛如何脫

身問僧作麼會僧云正要問這話師云昨日晴今日

雨

師問一僧汝還疑麼僧云焉能不疑師云明日十六那僧云十六師云有甚疑處

師驗衆這一句作麼生道衆競下語師展兩手

二僧來參師問一僧云是甚麼僧豎一指師云不是僧云是甚麼師豎一指一僧云這僧不是難道和尚又是師云是不是

師問僧拋兒婆子因甚道這個也不消得僧低首師

蓦面一掌僧云也不消得師云不與麼却與麼

一僧下禪牀師擒住云話頭聾僧茫然旁僧敲引磬

師云落在甚處僧遲疑師云寒山睡重拾得起遲
師問一僧如何是十五日以前事僧云老鼠闖牛角
如何是十五日以後事僧云三脚驢子弄蹄行正當
十五日如何僧便喝師云何不道取一句僧云木魚
三尺口師云恁麼那

師問僧麻三斤意旨如何僧云說破不值錢師云如
何是佛僧云石香爐師云脫體道一句看僧云這殿
二百年師云三日後問汝

師問僧如何是親切句僧云月半是十五如何是轉
身句僧頓足如何是異類句僧云兩貓一犬如何是
逆那僧作禮云今日罪過師不顧

一僧喫飯次師見云汝一頓喫多少僧云三碗四碗
師云還將得口來麼僧問訊師召侍者云教厨下再
着些米

一僧參師師云我已知汝來處僧展兩手師便打僧
云和尚放行太速師云原來原來
師問僧前夜消息聲僧豎一指師云放下着僧放下
師云又在甚麼處僧拍左肘師云一邊漢

60 1 2 3 4 5 6 7 8 9

70

80

1 2 3 4 5 6 7 8 9

撰述

三山和尚詩錄卷五

師一日垂語云密密處沒商量悄悄地無回互鼻孔
有氣者相見二僧齊入師云那一個先道一僧喝師
云再喝一喝看僧又喝師云野干鳴又問一僧汝又
作麼生僧亦喝師云他喝汝亦喝僧云也要和尚委
悉師云一隊野狐

一僧入師放下竹篦云道僧云既放下道個甚麼師
云我放下汝試道看僧云滿口道不出師云放汝三
十棒

師問侍者如何是你日用事者云堂前一鑪香師云
不顧和尚了者云尊重些好師云是

師問僧不用音聲與色聲將何喚作本來人僧云適
纔見兩人出山師云莫亂統僧云也不得辜負某甲
師打云也不得辜負山僧

師驗水維那云古鏡未磨時如何那云古鏡師云磨
後如何那云非古鏡師云着

一僧行脚歸師云這漢又來也僧便喝師云喫僧作
禮師便打

一僧歸禮師師云這幾年來見個甚麼僧云某甲今
日行路勞倦祇對不得師云饒你勞倦也要道取一
句僧禮拜師打云幾乎放過

衆隨師納涼次夜月正明一僧云好月師云畢竟月在甚麼處有畫圓相者有振身立者有問訊作禮者有答話先後不一者師云總未見月在一僧問云畢竟月在甚麼處師云畢竟月在天上衆作禮師云當面熱瞞

師問僧長三丈濶八尺都來有甚交涉巴鼻處道將一句來僧云不道不道師云因甚不道僧以手掩香爐師打云又道不道

師問僧三日不答話無人道汝是啞漢速道速道僧便喝師便打僧云蒼天蒼天師打云蒼天蒼天

一僧進方丈纔展具師便喝僧云特來請益和尚師薦面一掌僧云痛快痛快師復打僧擬進語師以手引僧耳推出方丈

師驗衆云開口卽錯不妨據實答來舉步卽非但要依序行到正恁麼時如何打當一僧禮拜了退師云將錯就錯一僧近前師云問過了也僧禮拜師云將錯就錯又一僧出師云合作麼生僧禮拜師云將錯就錯

師問世沙彌這一指如何會世呵呵大笑師云明日再來

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

師召蓮沙彌云進前些來便於打你蓮退後三步師復召云退後些去莫等打你蓮進前三步師云汝因甚腳跟不穩蓮云和尚問頭太慄師顧旁僧云你看這沙彌恁麼道

師問一行者云汝近日作個甚麼僧云農務師云甚麼喚作農務僧作掘地勢師云汝不合欺誑山僧師問一沙彌云適纔少段機緣汝何不奏上彌作訐聲師云蹉過了也彌云幾乎蹉過師云爭奈山僧不會何

師問僧默然良久汝作麼生會僧云某甲只作默然良久會師云恁麼又爭得僧噓一聲師云這個阿師因甚沒得鼻孔

問答

僧問如何是清淨法身師云泥猪癩狗

僧問路逢達道人不將語嘿對未審將甚麼對師云今日見兩人昇野猪

一僧問念佛底是誰師云念佛底是誰又僧問念佛底是誰師云念佛底不是誰二僧禮拜師云一得一失

僧問如何是不覩不聞句師良久僧云無言無說又

作麼生師云重下註脚

僧問人人盡道見性成佛成佛卽不問這見字還着得麼師作嘔吐聲

僧問古人道不疑言句是學人大病未識可疑底是甚麼句師云哩哩

僧問如何是三世諸佛師云馬牛羊

僧問擬心不得時如何師云放下着

僧問六道衆生還具佛性也無師云喎

僧問如何是爲人一句師便打僧云恁麼則辜負某甲也師云山僧今日失利

僧問某甲沒奈何時如何師云怪事怪事

僧問如何是事事無礙師云土單下單喫茶喫水

僧問如何是超生死不相干句師云山菌子

僧問儘力道不得底句却請和尚答師云汝獨苦我以難

僧問如何是知有事師云日出東方

僧問如何是寶藏庫師云空空

僧問尊者策眉意旨如何師云太長生

僧問如何是未開口時消息師云道道僧云開口後如何師云不道不道

接述

僧問如何是生前面目師云描不成畫不就
僧問古人斬猫意旨如何師云苦哉佛馱耶

僧問抱璞求鑒時如何師云汝是甚麼人僧擬議師

云頑石頭

僧問古人道不是心不是佛不是物是個甚麼師云
七東八西

僧問悄悄地因甚又無回互師云低聲些或諭苦

僧問喫茶去意作麼生師云人情分上僧云趙州因
甚慣用此機師云沒奈人情何

僧問慶忠道達磨是異鄉人是否師云是僧云以何

爲驗師云碧眼絡腮鬍

僧問覲面不逢時如何師云汝從甚處去來僧云未
離當處師云又道覲面不逢

僧問如何是聚雲三關師云險

僧問如何是佛師云木雕泥塑僧云莫這個便是麼
師云放汝二十棒

僧問如何是西來意師云滿眼滿耳

僧問達磨面壁意旨如何師云分明記得想不起來
僧云和尚莫瞞人好師云汝莫瞞人好

僧問如何是獨透聲色句師云一二三四五

僧問學人有個見處請師鑒師云不鑒僧云因甚不鑒師云怕底是汝有個見處

僧問漆桶穿時如何師云烏龜三隻腳
師同衆坐次偶噓一聲一僧云和尚有不平底事麼
師云是僧云如何是不平底事師趨向前云汝打殺
我僧作怕勞師云又爭怪得山僧

僧問如何是六不收師云叱

僧問心法雙忘時如何師云油鹽醬醋

僧問美食不中飽人喫止如終日不喫此人還飽麼

師云他原不饑僧云不饑底人在甚麼處師云十萬

八千程

僧問如何是二六時中事師云穿衣喫飯

僧問大事既明因甚如喪考妣師云這問也大難

僧問不掛唇皮一句作麼生道師云好大哥

僧問徑山大悟一十八遍小悟不知其數未審悟個

甚麼師云驢糞子

僧問搬柴運水喫飯穿衣是甚麼人行履師云尋常
人行履僧云此人還成佛否師云土上加泥

僧問惟此一事實是那一事師云與我過扇子來

僧問打破鏡時作麼相見師云背抵背

60 1 2 3 4 5 6 7 8 9

70

80

90

100

僧作禮云請和尙向異類中行師下禪牀跳一步
僧問如何是轉身句師喚侍者者應喏師云是你招
惹底

僧問心佛與衆生是三無差別因甚有凡有聖師云
哭桃哭李

僧問三眼烏龜因甚跳不出圈子去師云誰在圈子
裡僧云而今跳出了也師云還我三眼烏龜來僧禮
拜師云帶水拖泥漢

僧問古人擊竹觀花有甚交涉便去明心悟道師云
若要圖個交涉未免辜負古人僧云某甲罪過師撫

掌

僧問深深句卽不問請和尙道句淺淺底師云我却
要道句深深底僧云請和尙道句深深底師云我却
要道句淺淺底僧云道道師云不道不道

僧問四十九年未曾道着一字三藏十二部從甚處
來師云向道莫行山下路果聞猿叫斷腸聲

僧問頂門具眼時如何師云瞎

僧問年窮歲盡時如何師云家有家主

僧問長三丈濶八尺僧金吒波羅蜜此是甚麼語話
師云赤洪峴打白洪峴

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

僧問古人因甚見僧入門便棒師云不打不成相識
僧問兩堂首座一齊下喝那個是賓那個是主師云
夜來老鼠喫啾啾拖犁拽耙過牀頭

僧問李四唼着舌頭因甚血在張三口裡師云孽孽
僧問如何是一味相應草師云觸着也是死

僧問三世諸佛同一鼻孔這鼻孔還尋香逐臭也未
師云昨日有僧從湖南來也不曾道着

僧問擎父輒毬是同是別師云菩薩蠻

僧問根塵俱泯時如何師云寶塔子

僧問如何是楊岐驢子師云頭大尾巴細

僧問隻履西歸意旨如何師云來得好不如去得好
僧問菩提道心作麼相契師云問得恰

僧問如何是那伽大定師云山悠悠水悠悠
僧問訶佛罵祖是甚麼人師云闡提漢

僧問如何是歷代相承事師云說破不值錢

僧問那邊事作麼生師云黑

僧問如何是密意師承師云紫羅帳裡撒珍珠

僧問最上乘事還許話會也無師云許僧達禪牀

匝師云玉帛云乎哉僧云諾諾師云鐘鼓云乎哉

僧問從上古錐以何相傳師云破草鞋

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

僧問如何是多字學師畫是相

僧問如何是遊戲三昧師拍掌高歌

僧問績麻滿筐は何意旨師云問取胡張三

僧問如何是五雲境師云門前綠竹嶺後青松

僧問智不到處時如何師云寐語作麼

僧問生死以何爲舟航師云沒底籃

僧問如何是學人用心處師云餓者甘食如何是學人着力處師云急水灘頭緊繩船如何是學人放身處師云千丈崖前翻筋斗

僧問離却言語請師道師云胡錠鎚是幾時入

僧問兩眼看兩眼是甚麼人師云作家作家

僧問萬象之中獨露身意作麼生師云只這是

僧問如何是雲門扇子師云清風滿握僧云跨跳了也和尚大須仔細師云我與他有甚冤讐

僧叉手向前云鑒師作女人拜僧轉身立師云汝日將去着

僧問歷代祖師は何面目師云鼻直眉橫

僧問這場大夢誰先覺且道覺後如何師起舞

僧問如何是大圓鏡師云一切在裡許僧云恁麼則說道理也師云山尖

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

僧問三際俱斷時如何師云十字街前輶繡球
僧問天龍堅指意旨如何師云剖腹剜心

僧問如何是禪師云不向道

僧問如何是日用安身處師云這邊那邊僧云離却
一邊請師道師云莫靠山僧好

僧問樹倒藤枯句歸何處師云不禮拜更待何時

僧問止止不須說是說不是說師云世尊世尊

僧問如何是現成公案師云不借借

僧問觸着磕着時如何師云一場痛快

僧問如何是末後句師云山僧今日困僧云學人不

會師云好風

僧問如何是主中主師震威一喝僧禮拜師便打

僧問如何是殺人刀師驀頭一棒如何是活人劍師
云汝須會得好如何是塗毒鼓師云聞者皆喪如何
是探竿影草師云神出鬼沒

僧問如何是了生脫死底一句師云赤脚踏崑崙

三山來禪師語錄卷五

60 1 2 3 4 5 6 7 8 9

10

1 2 3 4 5 6 7 8 9

10

模
題

長
圖

卷之三
五更天起一更四下未明
早起乘車入城向是全華茂而大開春者齊取向
城中直入入氏神廟前一舉頭向是第八陰
階間微吟景王中主詞黃娘一已曾歸我廟前
會期云移風

60 1 2 3 4 5 6 7 8 9 10

1

1 2 3 4 5 6 7 8 9 80

1

